

四庫全書

經部

欽定四庫全書

經部  
春秋集傳釋義大成卷五

詳校官鴻臚寺少卿臣梁景陽

給事中臣溫常綬覆勘

總校官進士臣繆琪

校對官修撰臣吳錫齡

謄錄監生臣王鉞

欽定四庫全書

春秋集傳釋義大成卷五

元 俞 臯 撰

僖公

名申非公庶子閔公庶兄母成風在位三十一年子文公立議法小心畏忌曰僖

壬戌 元年春王正月

不書即位內無所承也 左氏傳不書即位亂故也 公羊傳公何以不

言即位繼弑君不言即位此非子也其稱子何臣子一例也 穀梁傳繼弑君不言即位正也 胡氏傳不書

即位內無所承上不請命也 閔公薨夫人孫子邾慶父出奔莒公於是馬以成風所屬而季子立之內無所承

也 嗣子定位於初喪而魯使不告于周明年正位改元而周使亦不至於魯又明年服喪已畢而不見於京師

上不請命也 承國於先君者父子之倫請命於天王者君臣之義今僖公內無所承上不請命不書即位正王

法也是故有四海而即天王之位者受之於王者也受之於天者必有一國而即諸侯之位者受之於王者也受之於天者必奉若天道而後能保天下受之於齊師宋師曹師次于王者必謹守王度而後能保其國

聶止救邢

三國稱師將卑師衆也齊主兵故先序聶止杜氏曰邢地在今順德路程子曰齊未嘗與

大衆此與師責其用衆可救而徒次以為聲援致邢之不保其國也左氏傳狄人伐邢管敬仲言於齊侯曰

戎狄豺狼不可厭也諸夏親暱不可棄也宴安酖毒不可懷也詩云豈不懷歸畏此簡書簡書同惡相恤之謂

也請救邢以從簡書齊人救邢公羊傳救邢救不言次此其言次何不及事也不及事者何邢已亡矣孰亡

之蓋狄滅之曷為不言狄滅之為桓公諱也曷為為桓公諱上無天子下無方伯天下諸侯有相滅亡者桓公

不能救則桓公恥之曷為先言次而後言救君也君則其稱師何不與諸侯專封也曷為不與實與而文不與

丈昌為不與諸侯之義不得專封也諸侯之義不得專封則其曰實與之何上無天子下無方伯天下諸侯有相滅亡者力能救之則救之可也穀梁傳救不言次言次非救也非救而曰救何也遂齊侯之意也是齊侯與齊侯也何用見其是齊侯也曹無師曹師者曹伯也其不言曹伯何也以其不言齊侯不可言曹伯也其不言齊侯何也以其不足乎揚不言齊侯也胡氏傳三國稱師見兵力之有餘也聶北書次見救邢之不速也春秋大義伐而書次其次為善遂伐楚次于陘義之也救而書次其次為賤救邢次于聶北賤之也聖人之情見矣故救患分災於禮為急而好攻戰樂殺人者於罪為大

夏六月邢遷于夷儀齊

師宋師曹師城邢

邢以自遷為文則非三國遷之也夷儀杜氏曰邢地今順德路邢臺縣有

夷儀嶺左氏傳邢遷于夷儀諸侯城之救患也凡侯伯救患分災討罪禮也

公羊傳遷者何其意也遷之者何

非其意也此一事也曷為復言齊師宋師曹師不復言師則無以知其為一事也穀梁傳遷者猶得其國家

以往者也其地邢復見也是向之師也使之以如改事然

美齊侯之功也胡氏傳書邢遷于夷儀見齊師次止

緩不及事也然邢以自遷為文而再書齊師宋師曹師

城邢者美桓公志義卒有救患之功也不以王命興師

亦聖人之所與乎中國衰微強暴侵陵天子不能正至

於遷徙奔亡諸侯有能救而存之則救而存之可也以

王命興師者正能救而與之者權秋七月戊辰夫人姜氏薨于夷齊人

以歸夫人哀姜也夷杜氏曰齊地在今益都路壽光縣

書薨于夷以見齊殺之也書以歸以見義當絕也

公羊傳夷者何齊地也齊地則其言齊人以歸何夫人

薨于夷則齊人以歸夫人薨于夷則齊人曷為以歸桓

公召而繼殺之穀梁傳夫人薨不地地故也齊人以歸

不言以喪歸非以喪歸也加喪焉諱以夫人歸也其以

歸薨之也胡氏傳夫人薨不地其曰薨于夷故也桓公召而殺之也其曰齊人以歸者以其喪歸于魯也齊為盟主義得舉法是伯者之所以行乎諸侯也既誅其人又歸其喪何居魯欲拒而勿受乎則子無讎母之義受而葬之乎已絕者復得享小君之禮典刑奈矣故特書以歸而不曰歸夫人之喪以者不以者也

伐鄭

荆改稱楚自此始書人將卑師少也而胡氏謂書人為浸疆誤矣左氏傳鄭即齊故也胡氏傳

稱楚人浸疆也莊公十年敗蔡師虜獻舞固已疆矣然獨舉其疏者始見乎經則本其僭竊之罪正其始封之名著王法也二十三年來聘嘉其慕義乃以人書二十八年伐鄭惡其滑夏復以疏舉至是又伐鄭也亦書人者豈許其伐國而人之乎會中華執盟主朝諸侯長齊晉其所由來者漸矣

八月公會齊侯

宋公鄭伯曹伯邾人于榿

邾人一命之微者也榿又名犛杜氏曰宋地今汴梁路陳

州宛丘縣之西北  
氏傳盟于莽謀救鄭也

左

九月公敗邾師于偃

偃杜氏曰

氏傳虛丘之戌將歸者也

穀梁傳不日疑戰也疑戰

而曰敗勝內也

胡氏傳檀之會謀救鄭而公與邾人

咸與焉則是志同而謀協也今既會邾人于偃又敗邾

師于偃於此責公無攘夷狄安中國之誠矣凡此類皆

直書其事而義自見也

詐戰曰敗敗之者為主冬十月壬午公子友帥師敗莒

師于鄆獲莒挈鄆杜氏曰魯地今濟南路歷城縣獲生擒得之也挈莒再命大夫莒人求賂曲

在彼矣不能喻以辭命而與之詐戰以取勝故書敗書

獲賁辭也左氏傳冬莒人來求賂公子友敗諸鄆獲

莒子之弟挈非卿也嘉獲之也公賜季友汾陽之田及

費公羊傳莒挈者何莒大夫也莒無大夫此何以書

大季子之獲也何大乎季子之獲季子治內難以正禦

外難以正其禦外難以正奈何公子慶父弑閔公走而



之莒莒人逐之將由乎齊齊人不納却反舍于汶水之上使公子奚斯入請季子曰公子不可以入則殺矣奚斯不忍反命于慶父自南溪北面而哭慶父聞之曰嘻此奚斯之聲也諾已曰吾不得入矣於是抗軛經而死莒人聞之曰吾已得子之賊矣以求賂于魯魯人不與為是興師而伐魯季子待之以偏戰穀梁傳莒無大夫其曰莒挈何也以吾獲之目之也內不言獲此其言獲何也惡公子之結紿者奈何公子友謂莒挈曰吾二人不相說士卒何罪屏左右而相搏公子友處下左右曰孟勞孟勞者魯之寶刀也公子友以殺之然則何以惡乎紿也曰棄師之道也胡氏傳案公羊慶父奔莒莒人逐之將由乎齊齊人不納却反舍於汶水之上使奚斯入請不可而死莒人曰吾已得子之賊以求賂乎魯魯人弗與為是興師而來伐然則罪在莒也而以季友主此戰何也抑鋒止銳喻以詞命使知不縮而引去則善矣今至於兵刃既接又用詐謀擒其主將此彊

國之事非王者之師春秋之志故以季友為主而書敗獲責之備也十有二月丁巳夫人

氏之喪至自齊

吳先生曰脫姜字耳云不稱姓者穿鑿之說也若果去氏何不於薨于夷去之

人者也

左氏傳君子以齊人之殺哀姜也為已甚矣女子從公羊傳夫人何以不稱姜氏貶曷為貶與弑

公也然則曷為不於弑焉貶貶必於重者莫重乎其以喪至也穀梁傳其不言姜以其殺二子貶之也或曰

為齊桓諱殺同姓也胡氏傳夫人預弑二君幾於亡國大義已絕不可復入宗廟矣書孫于邾薨于夷者絕

哀姜也書齊人以歸夫人氏之喪至自齊者譏桓公也不稱姓者殺于齊不去氏者受於魯

癸亥二年春王正月城楚丘

楚丘杜氏曰衛地今東昌路曹州楚丘縣城之以封衛也

不曰衛見非衛之故都也衛已亡而再復故亦不書邈左氏傳諸侯城楚丘而封衛焉不書所會後也公

羊傳執城城衛也曷為不言城衛滅也孰滅之蓋狄滅之曷為不言狄滅之為桓公諱也曷為為桓公諱上無天子下無方伯天下諸侯有相滅亡者桓公不能救則桓公恥之也然則孰城之桓公城之曷為不言桓公城之不與諸侯專封也曷為不與實與而文不與文曷為不與諸侯之義不得專封諸侯之義不得專封則其曰實與之何上無天子下無方伯天下諸侯有相滅亡者力能救之則救之可也穀梁傳楚丘者何衛邑也國而曰城此邑也其曰城何也封衛也則其不言城衛何也衛未遷也其不言衛之遷馬何也不與齊侯專封也其言城之者何專辭也故非天子不得專封諸侯諸侯不得專封諸侯雖通其仁以義而不與也故曰仁不勝道胡氏傳楚丘衛邑桓公帥諸侯城之而封衛也不書桓公不與諸侯專封也木欣美桓公而夫子錄之意豈異乎不與專封正王法也木欣有取焉善衛人之情也曷為善之報者天下之利以德報德則民有所勸矣

城楚丘畧而不書城邢詞繁而不殺何也案周制凡封國大宗伯領司几筵設黼展內史作冊命是天子大權非諸侯所得擅而行之者也衛人渡河野處曹邑許穆夫人閔其亡而載馳賦文公徙居楚丘而百姓悅則其國固嘗亡滅而不存矣城楚丘是擅天子之大權而封國也邢遽于夷儀經以自遷為文則其遷出於已意其國未嘗滅也諸侯城邢是謂同惡相恤以從簡書故辭繁而不殺美救患也桓公封衛而衛國忘亡其有功於中華甚大為利於衛人甚博宜有美詞發揚其事今乃微之若此者正其義不謀其利明其道不計其功略小惠存大節春秋之法也故曰五伯三王

夏五月辛巳葬

我小君哀姜

哀姜薨於元年七月至十二月喪方至故今始葬公羊傳哀姜者何莊公之夫人

也

虞師晉師滅下陽

虞姬姓公爵國在今河南府路陝州陝縣晉姬姓侯爵先晉亡於莊

十六年此新晉也於此始見經國在今平陽路絳州號  
姬姓公爵在今河南府路陝州號略縣下陽號之別名  
書下陽見非東號乃西號也程子曰虞假道而助晉伐  
號號之亡虞實致之故以虞為主下陽邑也號之亡由  
此故即書滅左氏傳晉荀息請以屈產之乘與垂棘  
之璧假道於虞以伐號公曰是吾寶也對曰若得道於  
虞猶外府也公曰宮之奇存焉對曰宮之奇之為人使  
儒而不能殫諫且少長於君君暱之雖諫將不聽乃使  
荀息假道於虞曰冀為不道入自顛軫伐郟三門冀之  
既病則亦唯君故今號為不道保於逆旅以侵敝邑之  
南鄙敢請假道以請罪于號虞公許之且請先伐號宮  
之奇諫不聽遂起師夏晉里克荀息帥師會虞師伐號  
滅下陽公羊傳虞師晉師滅下陽虞微國也昌為序  
乎大國之上使虞首惡也昌為使虞首惡虞受賂假滅  
國者道以取亡焉其受賂奈何獻公朝諸大夫而問焉  
曰寡人夜者寢而不寐其意也何諸大夫有進對者曰

寢不安與其諸侍御有不在側者歟獻公不應荀息進曰虞郭見與獻公揖而進之遂與之入而謀曰吾欲攻郭則虞救之攻虞則郭救之如之何願與子慮之荀息對曰君若用臣之謀則今日取郭而明日取虞爾君何憂馬獻公曰然則奈何荀息曰請以屈產之乘與垂棘之白璧往必可得也則寶出之內藏藏之外府馬出之內廐繫之外廐爾君何喪馬獻公曰諾雖然宮之奇存馬如之何荀息曰宮之奇知則知矣雖然虞公貪而好寶見寶必不從其言諫記曰唇亡則齒寒虞郭之相救非相許諾宮之奇果諫記曰唇亡則齒寒虞郭之相救非相為賜則晉今日取郭而明日虞從而亡爾君請勿許也虞公不從其言終假之道以取郭還四年反取虞虞公抱寶牽馬而至荀息見曰臣之謀何如獻公曰子之謀則已行矣寶則吾寶也雖然吾馬之齒亦已長矣蓋戲之也夏陽者何郭之邑也曷為不繫于郭國之也曷為國之君存焉爾穀梁傳虞師晉師滅夏陽非國而曰

滅重夏陽也虞無師其曰師何也以其先晉不可以不  
言師也其先晉何也為主乎滅夏陽也夏陽者虞虢之  
塞邑也滅夏陽而虞虢舉矣虞之為主乎滅夏陽何也  
晉獻公欲伐虢荀息曰君何不以屈產之乘垂棘之璧  
而借道乎虞也公曰此晉國之寶也如受吾幣而不借  
吾道則如之何荀息曰此小國之所以事大國也彼不  
借吾道必不敢受吾幣如受吾幣而借吾道則是我取  
之中府而蔽之外府取之中廄而置之外廄也公曰宮  
之奇存焉必不使受之也荀息曰宮之奇之為人達  
心而懦又少長於君達心則其言略懦則不能強諫少  
長於君則君輕之且夫玩好在耳目之前而患在一國  
之後此中知以上乃能慮之臣料虞君中知以下也公  
遂借道而伐虢宮之奇諫曰晉國之使者其辭卑而幣  
重必不便於虞虞公勿聽遂受其幣而借之道宮之奇  
諫曰語曰唇亡則齒寒其斯之謂與挈其妻子以奔曹  
獻公亡虢五年而後舉虞荀息牽馬操璧而前曰璧則

猶是也而馬齒加長矣胡氏傳案孟子晉人以乘棘之壁與屈產之乘假道於虞以伐虢宮之奇諫百里奚不諫然則晉人造意以虞首惡何也貪得重賂遂其彊暴滅兄弟之國以及其身而亡其社稷所以為首乎春秋聖人律令也觀此義可以見法矣唐高宗賜其臣長孫無忌金寶綬錦欲以立武昭儀雖無忌終不順旨君子猶譏其沒於利而不反君賜也矧受他人之賂遂其彊暴者乎國而曰滅下陽邑爾其書滅何也下陽虞虢之塞邑猶秦有潼關蜀有劍嶺皆國之門戶也潼關不守則秦蜀破下陽既舉而虞虢亡矣春秋此義以天下為家以城郭溝池為固以山川丘陵為險設之以守國而待暴客者也其衷世之意耶  
**秋九月齊**

**侯宋公江人黃人盟于貫**

江姓爵俱闕國在今汴梁路汝寧府汝陽縣黃嬴姓爵未

詳國在今黃州路貫杜氏曰宋地鄭氏曰與仁府濟陰縣有貫城在今東昌路曹州濟陰縣江黃楚之與國齊



宋盟之使畔楚也

左氏傳盟于貫服江黃也

公羊傳

秋九月齊侯宋公江人黃人盟于貫澤江人黃人者何

遠國之辭也遠國至矣則中國曷為獨言齊宋至爾大國言齊宋遠國言江黃則以其餘為莫敢不至也穀梁

傳貫之盟不期而至者江人黃人也江人黃人者遠國之辭也中國稱齊宋遠國稱江黃以為諸侯皆來至也

黃者其東方之與國也二國來定盟則楚人失其右臂

矣樂毅破齊先結韓趙孔明伐魏申好江東雖武王牧野之師亦誓友邦遠及庸蜀彭濮八國之人共為犄角

之勢也桓公此盟其服荆楚之慮周矣其攘夷狄免民於左衽之義著矣盟雖春秋所惡然諸侯皆在獨言遠

國者許是盟也冬十月不雨公羊傳何以書記異也

楚人侵

鄭齊宋盟江黃使背楚故楚侵鄭以抗衡也左氏傳闕章因鄭畔伯

甲子三年春王正月不雨夏四月不雨

左氏傳春不雨夏六月雨自十月不

雨至于五月不曰旱不為災也

公羊傳何以書記異也穀梁傳不雨者勤雨也一時言不雨者閔雨也閔

雨者有志乎民者也

胡氏傳穀梁子曰不雨者勤雨也每時而一書閔雨也閔雨者有志乎民者也歷時而

總書不憂雨也不憂雨者無志乎民者也案詩稱僖公儉以足用寬以愛民務農重穀則誠賢君也其有志乎

民審矣故冬不雨而書春不雨而書夏不雨而書以著其勤也文公以練祭則緩於作主以宗廟則太室屋壞

以賦政則四不視朔以邦交則三不會盟其無志乎民亦審矣故自十有二月不雨至于秋七月而書自正月

不雨至于秋七月而書以著其慢也

徐人取舒

徐人將卑師少也舒偃姓子爵國在今廬州路舒城

縣志虜而俘例書取羊傳其言取之何易也

公

六月雨

自二年十月不雨至于此歷三時之久旱

亦甚矣饑不在書可知此書雨喜之深也公羊傳其言六月雨何上雨而不甚也穀梁傳雨云者喜雨也喜雨者有志乎民者也胡氏傳雨云者喜雨也閏雨與民同其憂喜雨與民同其樂此君國子民之道也觀此義則知春秋有懼天災恤民隱之意過天災而不懼視民隱而不恤自樂其樂而不與民同也國之亡無日矣

# 秋齊侯宋人江人黃人會于陽穀

陽穀今東平路陽穀縣即穀也左氏傳

謀伐楚也公羊傳此大會也曷為末言爾桓公曰無障谷無野粟無易樹子無以妾為妻穀梁傳陽穀之會桓公委端搢笏而朝諸侯諸侯皆諭乎桓公之志胡氏傳案左氏謀伐楚也或曰侵蔡次陘之師諸侯皆在江黃獨不與焉則安知其為謀伐楚乎曰兵有聚而為正亦有分而為奇諸侯之師同次于陘所謂聚而為正也江人黃人各守其地所謂分而為奇也次陘大衆厚集其陣聲罪致討以震中國之威江人黃人各守其

境案兵不動以為八國之援此克敵制勝之謀也退師召陵而盟禮定循海以歸而濟塗執然後及江人黃人伐陳則知侵蔡次陞而二國不會自為犄角之勢明矣此大會而末言者善是謀也冬公子友如

齊泣盟

泣臨也泣盟盟前定也之會來尋盟冬公子友如齊泣盟

左氏傳齊侯為陽穀公羊傳泣

盟者何往盟乎彼也其言來盟者何來盟于我也穀梁傳泣者位也其不前定也不言及者以國與之也不言其人亦楚人伐鄭鄭從齊故楚連年伐之以國與之也

四年春王正月公會齊侯宋公陳侯衛侯鄭伯許男

曹伯侵蔡蔡潰遂伐楚次于陞

蔡從楚故桓公合諸侯侵之潰民亂而逃散也

陞杜氏曰楚地今汴梁路許州堰城縣有陞亭朱子曰春秋每書諸侯戰伐之事必加譏貶以著其擅興之罪

無有以爲合義而許之者但就中彼善於此者則有之  
召陵之師之類是也左氏傳楚子使與師言曰君處  
北海寡人處南海唯是風馬牛不相及也不虞君之涉  
吾地也何故管仲對曰昔召康公命我先君太公曰五  
侯九伯女實征之以夾輔周室賜我先君履東至于海  
西至于河南至于穆陵北至于無棣爾貢包茅不入王  
祭不共無以縮酒寡人是徵昭王南征不復寡人是問  
對曰貢之不入寡君之罪也敢不共給昭王之不復君  
其問諸水濱師進次于陘公羊傳潰者何下叛上也  
國曰潰邑曰叛其言次于陘何有俟也孰俟俟屈完也  
穀梁傳潰之爲言上下不相得也浸殘事也侵蔡而  
蔡潰以桓公爲知所侵也不土其地不分其民明正也  
遂繼事也次止也胡氏傳潛師掠境曰侵侵蔡者奇  
也聲罪致討曰伐伐楚者正也遂者繼事之辭而有專  
意次止也楚貢包茅不入王祭不共無以縮酒桓公是  
微而楚人服罪師則有名矣孟氏何以獨言春秋無義

戰也譬諸殺人者或曰人可殺歟曰可孰可以殺之曰  
為士師則可以殺之矣國可伐歟曰可孰可以伐之曰  
為天吏則可以伐之矣楚雖暴橫憑陵上國齊不請命  
擅合諸侯豈所謂為天吏以伐之乎春秋以義正名而  
樂與人為善以義正名則君臣之分嚴矣書遂伐楚譏  
其專也樂與人為善苟志于善斯善之矣書次于陘楚  
屈完來盟于師盟

夏許男新臣卒

許穆公名新臣子業  
立是為僖公項氏曰

于召陵序其續也

善終也曹伯廬卒于師為敵殺也殺梁傳諸侯死于  
國不地死于外地死于師何為不地內桓師也胡氏

傳劉敞曰諸侯卒于外者在師則稱師在會則稱會今  
許男一無稱者此去師與會而復歸其國之驗也召陵  
地在潁川是以許男復焉古者國君即位而為柁歲一  
漆之出疆必載柁卒于師曰師卒于會曰會正也許男  
新臣卒非正也其為人君不知命者也不知命則必畏  
死畏死則必貪生貪生則必亂於禮矣而後有害身苟

免之耻而後有淫祀非望之戚此說是也夫知死生之說通晝夜之通者亦豈有以異於人哉苟得正而斃焉則無

楚屈完來盟于師盟于召陵

屈完楚大夫三命例書氏書名不稱使而

以來盟為文盟未前定權在完也再書盟于召陵楚服而齊桓盟諸侯也齊桓經營伯業三十年至此始能主盟故不書同呂氏曰桓公經營三十年工方做得成所以優游召陵杜氏曰陳地在今汴梁路許州堰城縣朱子曰桓公伐楚伏羲執言不由詭道猶為彼善於此故聖人以正而不譎稱之左氏傳夏楚子使屈完如師師退次于召陵齊侯陳諸侯之師與屈完乘而觀之齊侯曰豈不穀是為先君之好是繼與不穀同好如何對曰君惠微福於敝邑之社稷辱收寡君寡君之願也齊侯曰以此眾戰誰能禦之以此攻城何城不克對曰君若以德綏諸侯誰敢不服君若以力楚國方城以為城漢水以為池雖眾無所用之屈完及諸侯盟公羊

傳屈完者何楚大夫也何以不稱使尊屈完也曷為尊  
屈完以當桓公也其言盟于師盟于召陵何師在召陵  
也師在召陵則曷為再言盟喜服楚也何言乎喜服楚  
楚有王者則後服無王者則先叛夷狄也而亟病中國  
南夷與北狄交中國不絕若綫桓公救中國而攘夷狄  
卒帖荆以此為王者之事也其言來何與桓為主也前  
此者有事矣後此者有事矣則曷為獨於此焉與桓公  
為主序績也穀梁傳楚無大夫其曰屈完何也以其  
來會桓成之為大夫也其不言使權在屈完也則是正  
乎曰非正也以其來會諸侯重之也來者何內桓師也  
于師前定也于召陵得志乎桓公也得志者不得志也  
以桓公得志為僅矣屈完曰大國之以兵向楚何也桓  
公曰昭王南征不反菁茅之貢不至故周室不祭屈完  
曰菁茅之貢不至則詒昭王南征不反我將問諸江  
胡氏傳楚大夫未有以名氏通者其曰屈完進之也其  
不稱使權在完也來盟于師嘉服義也盟于召陵序桓



績也桓公帥八國之師侵蔡而蔡潰伐楚而楚人震恐  
兵力彊矣責包茅之不貢則諾閔昭王之不復則辭微  
與同好則承以寡君之願語其戰勝攻克則對以用力  
之難然而桓公師退召陵以禮楚使卒與之盟而不遂  
也於此見齊師雖彊桓公能以律用之而不暴楚人已  
服桓公能以禮下之而不驕庶幾乎王者之事矣故春  
秋之盟於斯為盛而楊子稱之曰齊人執陳轅濤塗  
齊桓之時緼而春秋美召陵是也齊人執陳轅濤塗  
濤塗名陳三命之大夫也陳氏曰北杏之後盟主始專  
故專執也左氏傳陳轅濤塗謂鄭申侯曰師出於陳  
鄭之間國必甚病若出於東方觀兵於東夷循海而歸  
其可也申侯曰善濤塗以告齊侯許之申侯見曰師老  
矣若出於東方而遇敵懼不可用也若出於陳鄭之間  
共其資糧靡屨其可也齊侯說與之虎牢執轅濤塗  
公羊傳濤塗之罪何辟軍之道也其辟軍之道奈何濤  
塗謂桓公曰君既服南夷矣何不還師濱海而東服東

夷且歸桓公曰諾於是還師濱海而東大陷于沛澤之中顧而執濤塗執者曷為或稱侯或稱人稱侯而執者伯討也稱人而執者非伯討也此執有罪何以不得為伯討古者周公東征則西國怨西征則東國怨桓公假塗于陳而伐楚則陳人不欲其反由已者師不正故也不修其師而執濤塗古人之討則不然也穀梁傳齊人執陳轅濤塗齊人者齊侯也其人之何也秋及江人於是哆然外齊侯也不正其踰國而執也

黃人伐陳

內稱及外稱人皆將卑師少也聲罪致討曰伐程子曰齊命也左氏傳秋伐陳討不忠

也穀梁傳不言其人也及之者何內師也

八月公至自伐楚

公羊傳楚已服矣何以致伐楚

叛盟也

穀梁傳有二事偶則以後事致後

葬許穆公

事小則以先事致其以伐楚致大伐楚也

左氏傳許穆公卒于師葬之以侯禮也凡諸侯薨于朝會加一等死王事加二等於是

冬十

有二月公孫茲帥師會齊人宋人衛人鄭人許人曹人

侵陳

魯公孫名茲三命大夫公子牙之子也書帥師將尊師衆也諸國書人將卑師少也書會而齊先序

齊主兵也潛師掠境曰侵

左氏傳冬叔孫戴伯帥師

會諸侯之師侵陳陳成歸轅濤塗

胡氏傳揚子法言

或問為政有幾曰思數昔在周公征于東方四國是王

其思矣夫齊桓公欲徑陳陳弗果納執轅濤塗其數矣

夫桓公識明而量淺管仲器不足而才有餘方楚人未

帖而齊以為憂也致勤於鄭振中夏之威會于陽穀博

遠國之信案兵於陘修文告之詞退舍召陵結會盟之

禮何其念之深禮之謹也存此心以進善則桓有王德

而管氏為王佐矣堯舜性之也湯武身之也五霸假之

也久假而不歸烏知其非有惜乎桓公假之不久而遽

歸也楚方受盟志已驕溢陳大夫一謀不協其身見執

其國見伐見侵而怒猶未怠也桓德於是乎衰矣愛人

不親反其仁治人不治反其智禮人不答反其敬行有不得者皆反求諸已其身正而天下歸之曾可厚以責人不不自反乎原其失在於量淺而器不宏也魏武纔得荊州而張松見忽唐莊宗自矜取汴而高氏不朝成湯勝夏撫有萬方乃曰茲朕未知獲戾于上下慄慄危懼若將隕于深淵其爾萬方有罪在予一人予一人有罪無以爾萬方人之度量相越豈不遠哉春秋稱人以執罪齊侯也稱侵陳者深責之也故孟子曰仲尼之徒無道桓文之事者管仲曾西之所不為也而子為我顧之乎

丙寅 五年春晉侯殺其世子申生

晉侯獻公也世子名申生陳氏曰有譏而不見

則其君之罪也是故申生以驪姬之譖自殺宋世子痤以伊戾之譖自殺直稱君殺而已矣以罪係於君也左氏傳初晉獻公欲以驪姬為夫人卜之不吉筮之吉公曰從筮卜人曰筮短龜長不如從長且其繇曰專之吉

渝攘公之瑜一薰一蕕十年尚有臭必不可弗聽立之  
生奚齊其娣生卓子及將立奚齊既與中大夫成謀姬  
謂太子曰君夢齊姜必速祭之太子祭于曲沃歸胙于  
公公田姬寘諸宮六日公至毒而獻之公祭之地地墳  
與大夫斃與小臣小臣亦斃姬泣曰賊由太子太子奔  
新城公殺其傅杜原款或謂太子子辭君必辨焉太子  
曰君非姬氏居不安食不飽我辭姬必有罪君老矣吾  
又不樂曰子其行乎太子曰君實不察其罪被此名也  
以出人誰納我十二月戊申縊于新城姬遂諧二子曰  
皆知之重耳奔蒲夷吾奔屈至是晉侯使以殺太子申  
生之故來告初晉侯使士蒍為二公子築蒲與屈不愼  
寘薪焉夷吾訴諸公使讓之士蒍稽首而對曰臣聞之  
無喪而憾憂必讎焉無戎而城讎必保焉寇讎之保又  
何慎焉守官廢命不敬固讎之保不忠失忠與敬何以  
事君詩云懷德惟寧宗子惟城君其修德而固宗子何  
城如之三年將尋師焉馬用慎退而賦曰狐裘尫茸一

國三公吾誰適從及難公使寺人披伐蒲重耳曰君父之命不校乃徇曰校者吾讎也踰垣而走披斬其袪遂出奔翟公羊傳曷為直稱晉侯以殺世子母弟直稱君者甚之也穀梁傳目晉侯斥殺惡晉侯也胡氏傳公羊子曰殺世子母弟直稱君者甚之也申生進不能自明退不能違難愛父以姑息而陷之不義護人得志幾至亡國先儒以為大仁之賊也而目晉侯斥殺專罪獻公何也春秋端本澄源之書也內寵並后嬖子配嫡亂之本也驪姬寵夷齊卓子嬖亂本成矣尸此者其誰乎是故目晉侯斥殺專罪獻公使後世有欲紊她妾之名亂嫡庶之位繼人欲滅天理以敗其家國者知所戒焉以此防民猶有堯母名門使姦臣逆探其意有危皇后太子之心以

**杞伯姬來朝其子**

杞伯姬莊公女已嫁例繫國來來魯成王蠱之禍者

也朝其子其子與之俱來而行朝禮也公羊傳其言來朝其子何內辭也與其子俱來朝也穀梁傳婦人

既嫁不踰竟踰竟非正也諸侯相見曰朝伯姬為志乎  
朝其子也伯姬為志乎朝其子則是杞伯失夫之道矣  
諸侯相見曰朝以待人父之道持人之女  
非正也故曰杞伯姬來朝其子參譏也  
夏公孫茲如

牟

左氏傳  
娶焉

公及齊侯宗公陳侯衛侯鄭伯許男曹伯會

王世子于首止

及諸侯以會殊會也殊會之義有二會  
王世子尊之而不與抗也會吳抑之

而不使其抗也程子曰世子王之貳不可與諸侯列故  
出諸侯會之首止杜氏曰衛地今汴梁路睢州襄邑縣

有首鄉

左氏傳會于首止會王太子鄭謀寧周也  
公羊傳曷為殊會王世子世子貴也世子猶世世子也

穀梁傳及以會尊之也何尊焉王世子云者唯王之  
貳也云可以重之存焉尊之也何重焉天子世子世天

下也胡氏傳及以會尊之也以王世子而下會諸侯  
則陵以諸侯而上與王世子會則抗春秋抑彊臣扶弱

王撥亂世反之正特書及以會者若曰王世子在是諸侯咸往會焉示不可得而抗也後世論其班位有次于三公宰臣之下亦有序乎其下示謙德也自臣下而言欲言欲屈遠其子使次乎其下示謙德也天尊地卑而其分定尊王世子則序乎其上正分義也天尊地卑而其分定典叙禮秩而其義明使羣臣得伸其敬則貴有常尊上下辨矣經書宰周公祇與王人同序於諸侯之上而不得與殊會同書此聖人尊君抑臣之旨也而班位定矣

秋八月諸侯盟于首止

前書殊會所以尊王世子也此書諸侯盟見世子不預也公

羊傳諸侯何以不序一事而再見者前目而後凡也穀梁傳無中事而復舉諸侯何也尊王世子而不敢與盟也尊則其不敢與盟何也盟者不相信也故謹信也不敢以所不信而加之尊者桓諸侯也不能朝天子是

不臣也王世子子也塊然受諸侯之尊已而立乎其位是不子也桓不臣王世子不子則其所善焉何也是則



變之正也天子微諸侯不事朝覲桓桓控大邦扶小國統諸侯不能以朝天子亦不敢致天王尊王世子于首戴乃所以尊天王之命也世子含王命會齊侯亦所以尊天子之命也世子受之可乎是亦變之正也天子微諸侯不事覲世子受諸侯之尊已而天王尊矣世子受之可也胡氏傳無中事復舉諸侯會盟同地再言首止者書之重詞之複其中必有大義惡焉首止之盟義之大者也王將以愛易世子桓公有憂之控大邦扶小國會于首止以定其位太子踐阼是謂襄王一舉而父子君臣之道皆得焉故夫子稱之曰管仲相桓公一匡天下民到于今受其賜則是盟之功豈不偉哉蓋人之所以為人以有父子君臣之大倫也否則人類滅亡矣故曰首止之盟美鄭伯逃歸不盟左氏傳王使周公召鄭伯之大者也鄭伯逃歸不盟曰吾撫汝以從楚輔之以晉可以少安鄭伯喜於王命而懼其不朝於齊也故逃歸不盟孔叔止之曰國君不可以輕輕則失親失親患

必至病而及盟所喪多矣君必悔之弗聽逃其師而歸  
公羊傳其言逃歸不盟者何不可使盟也不可使盟  
則其言逃歸何魯子曰蓋不以寡犯衆也穀梁傳以  
其去諸侯故逃之也胡氏傳事有惡者不與為幸其  
善者不與為貶平丘之盟惡也諸魯無勤是以為幸故  
直書曰公不與盟首止之盟善也犯衆不盟是以為貶  
故特書曰鄭伯逃歸逃者匹夫之事以諸侯之尊下行  
匹夫之事雖悔於終病而乞盟如所喪何其書逃歸不  
盟深貶之也或曰首止之會非王志也王惡齊侯定世  
子而使周公召鄭伯曰吾撫汝以從楚可以少安鄭伯  
喜於王命而畏齊故逃歸不盟然則何罪乎曰春秋道  
名分尊天王而以大義為主夫義者權名分之中而當  
其可之謂也諸侯會王世子雖衰世之事而春秋與之  
者是變之中也鄭伯雖承王命而制命非義春秋逃之  
者亦變之中也天下之大倫有常有變舜之於父子湯  
武之於君臣周公之於兄弟皆處其變者也賢者守其

常聖人盡其變會首止逃鄭伯處父子君臣之變而不失其中也噫此春秋之所以為春秋而非聖人莫能修之者

楚人滅弦弦子奔黃

弦姓未詳子爵國在今汴梁路光州光山縣左氏傳楚

闕穀於菟滅弦弦子奔黃於是江黃道柏方睦於齊皆弦姻也弦子恃之而不事楚又不設備故亡九月

戊申朔日有食之

冬晉人執虞公

程子曰書執而不書滅自取之也

左氏傳晉侯復假道於虞以伐虢宮之奇諫曰虢虞之表也虢亡虞必從之晉不可啟寇不可翫一之為甚其可再乎諺所謂輔車相依唇亡齒寒者其虞虢之謂也公曰晉吾宗也豈害我哉對曰太伯虞仲太王之昭也太伯不從是以不嗣虢仲虢叔王季之穆也為文王卿士勲在王室藏於盟府將虢是滅何愛於虞且虞能親於桓莊乎其愛之也桓莊之族何罪而以為戮不唯偏乎親以寵偪猶尚害之況以國乎公曰吾享祀豐潔神

必據我對曰臣聞之鬼神非人實親惟德是依故周書曰皇天無親惟德是輔又曰黍稷非馨明德惟馨又曰民不易物惟德馨物如是則非德民不和神不享矣神所憑依將在德矣若晉取虞而明德以薦馨香神其吐之乎勿聽許晉使宮之奇以其族行曰虞不臘矣在此行也晉不更舉矣八月甲午晉侯圍上陽問於卜偃曰吾其濟乎對曰克之公曰何時對曰童謠云丙之辰龍尾伏辰均服振振取虢之旂鷄之賁賁天策煇煇火中成軍號公其奔其九月十月之交乎丙子旦日在尾月在策鷄火中必是時也冬十二月丙子朔晉滅虢號公酈奔京師師還館于虞遂襲虞滅之執虞公及其大夫井伯以媵秦穆姬而修虞祀且歸其職貢於王故書曰晉人執虞公罪虞且言易也公羊傳虞已滅矣其言執之何不與滅也曷為不與滅滅者亡國之善辭也滅者上下之同力者也穀梁傳執不言所於地疆於晉也其曰公何也猶曰其下執之之辭也其猶下執之之

辭何也晉命行乎虞民矣虞號之相殺非相為賜也今日亡號而明日亡虞矣胡氏傳公羊子曰虞已滅矣其言執何不與滅也滅者亡國之善辭上下之同力也若夫虞公地之疆於晉久矣晉命行乎虞民信矣其曰晉人執之者猶眾執獨夫爾賈為天子富有四海而身為獨夫商紂是也貴為諸侯富有一國而身為獨夫虞公是也其曰公者非存其爵猶下執之之詞也不言以歸驗其為匹夫之實也書滅夏陽於始而記執虞公於後可以見棄義趨利潰貨無厭之能亡國敗家審矣

丁卯六年春王正月夏公會齊侯宋公陳侯衛侯曹伯伐

鄭圍新城

書會而齊先序齊主兵也君親將故書爵圍者以兵環之也伐鄭而圍其邑以討逃盟之

罪也新城杜氏曰鄭新密也今汴梁路鉤州密縣左氏傳諸侯伐鄭以其逃首止之盟故也圍新密鄭所以

不時城也 公羊傳邑不言圍此其言圍何也病鄭也著鄭伯之殺

罪秋楚人圍許諸侯遂救許 楚人將平師少也諸侯因

傳秋楚子圍許以救鄭諸侯救 冬公至自伐鄭 穀梁傳

許乃還 穀梁傳善救許也 救許至何也大伐鄭也 胡氏傳齊自召陵之後兵服

四夷咸動諸夏今合六國之師圍新造之邑宜若振槁

然圍而不舉有遺力者矣及楚人攻許即解新城之圍

移師救許是又得討罪分災救急之義也故特書曰楚

人圍許諸侯遂救許凡書救者未有不善之也其

曰遂救許善之尤者也善之尤則何以致久也

戊辰七年春齊人伐鄭

齊人將平師少也諸侯伐鄭而楚

之然後服也 左氏傳齊人伐鄭孔叔言於鄭伯曰諺

有之曰心則不競何憚於病既不能彊又不能弱所以

斃也國危矣請下齊以救國公曰吾知其所由來矣姑少待我對曰朝不及夕何以待君胡氏傳將卑師少

稱人聲罪致討曰伐鄭伯背華即夷夏小邾子來朝鄆南與楚合而未離也故桓公復治之改鄆

稱小邾鄭殺其大夫申侯申姓侯名鄭三命大夫也始於此鄭殺其大夫申侯左氏傳陳懷宣仲怨鄭申侯

之反已於召陵故勸之城其賜邑曰夷城之大名也子孫不忘吾助子請乃為之請於諸侯而城之夷遂諧諸

鄭伯曰夷城其賜邑將以叛也申侯由是得罪是年夏鄭殺申侯以說于齊且用陳懷濤塗之諧也初申侯申

出也有寵於楚文王文王將死與之璧使行曰唯我知女女專利而不厭予取予求不汝疵瑕也後之人將求

多於女女必不免我死女必速行無適小國將不女容焉既葬出奔鄭又有寵於厲公子文聞其死也曰古人

有言曰知臣莫若君弗可改也已公羊傳其稱國以殺何稱國以殺者君殺大夫之辭也殺梁傳稱國以

殺大夫殺無罪也胡氏傳孔叔言於其君請下齊以救國鄭伯曰吾知其所由來矣姑少待我於是殺申侯以說于齊稱國以殺者罪累上也不知自反內忌聽讒而擅殺其大夫信失刑矣如申侯者其見殺何也專利而不厭則足以殺身而已矣秋七月公會齊侯宋公陳世子款鄭世

子華盟于窳母

鄭服故盟不書同齊侯主盟也窳母杜氏曰魯地今濟寧路鉅野縣有窳母亭

左氏傳謀鄭故也管仲言於齊侯曰臣聞之招携以禮懷遠以德德禮不易無人不懷齊侯修禮於諸侯諸侯官受方物鄭伯使太子華聽命於會言於齊侯曰洩氏孔氏子人氏三族實違君命君若去之以為成我以鄭為內臣君亦無所不利焉齊侯將許之管仲曰君以禮與信屬諸侯而以姦終之無乃不可乎子父不奸之謂禮守命共時之謂信違此二者姦莫大焉公曰諸侯有討於鄭未捷今苟有釁從之不亦可乎對曰君若綏



之以德加之以訓辭而帥諸侯以討鄭鄭將覆亡之不暇豈敢不懼若總其罪人以臨之鄭有辭矣何懼且夫合諸侯以崇德也會而列姦何以示後嗣夫諸侯之會其德刑禮義無國不記記姦之位君盟替矣作而不記非盛德也君其勿許鄭必受盟夫子華既為太子而求介於大國以弱其國亦必不免鄭有叔詹者叔師叔三良為政未可聞也齊侯辭焉子華由曹伯班卒昭公名班子襄是得罪於鄭穀梁傳衣裳之會也

立是為共公不日缺文也

公子友如齊

罷盟而聘也

冬葬曹昭公

不書月日缺文

己巳八年春王正月公會王人齊侯宋公衛侯許男曹伯

陳世子款盟于洮鄭伯乞盟

齊侯主盟故不書同王人微者故不殊盟洮杜氏曰

曹地今案洮乃濟南路洮溝當是魯地左氏傳謀王  
室也鄭伯乞盟請服也襄王定位而後發喪公羊傳  
王人者何微者也曷為序乎諸侯之上先王命也乞盟  
者何處其所而請與也其處其所而請與奈何蓋酌之  
也殺梁傳王人之先諸侯何也貴王命也朝服雖微  
必加於上弁冕雖舊必加於首周室雖衰必先諸侯兵  
車之會也鄭伯乞盟以向之逃歸乞之也乞者重詞也  
重是盟也乞者處其所而請與蓋酌之也胡氏傳王  
人下士也內臣之微者莫微於下士外臣之貴者莫貴  
於方伯公侯今以下士之微序乎方伯公侯之上外輕  
內重不亦偏乎春秋之法內臣以私事出朝者直書曰  
來以私好出聘者不稱其使以私情出討者止錄其名  
不以其貴故尊之也以王命行者雖下士之微序乎方  
伯諸侯之上不以其賤故輕之也然則班列之高下不  
在乎內外特繫乎王命爾聖人之情見矣尊君之義明  
矣乞者卑遜自屈之辭欲與是盟而未知其得與否也

始而逃歸今則乞盟於以見舉

夏狄伐晉

左氏傳晉里克帥師梁由

靡御虢射為右以敗狄于米桑梁由靡曰狄無耻從之必大克里克曰懼之而已無速衆狄虢射曰期年狄必至示之弱矣夏狄伐

秋七月禘于太廟用致夫人

項氏曰僖

公始以妾母為夫人故擊前代妾母皆致之廟趙先生曰僖公夫人也夫人至必有告廟之禮今乃因禘而告至故書禘于太廟用致夫人見其失禮也左氏傳禘而致哀姜焉非禮也凡夫人不薨于寢不殯于廟不赴于同不附于姑則弗致也公羊傳用者何用者不宜用也致者何致者不宜致也禘用致夫人非禮也夫人何以不稱姜氏貶曷為貶譏以妾為妻也其言以妾為妻奈何蓋脅于齊媵女之先至者也穀梁傳用者不宜用者也致者不宜致者也言夫人必以其氏姓言大夫而不以氏姓非夫人也立妾之辭也非正也胡氏

傳案禮大禘升歌清廟下而管象朱干玉戚以舞大武  
八佾以舞大夏此天子之禮樂也踐其位則行其禮奏  
其樂故雖禘太祖周頌也而其詩曰相維辟公天子穆  
穆周公人臣不踐其位魯侯國而用天子之禮亂名犯  
分莫大乎是故夫子志之曰郊社之禮所以事上帝也  
宗廟之禮所以祀乎其先也魯侯國而以王禮祀太廟  
是誣偽不誠而非所以祀乎其先矣故夫子傷之曰禘  
自既灌而往者吾不欲觀之夫灌以降神乃祭之始而  
已不欲觀是自始至終皆非禮矣用者不宜用也致者  
不宜致也夫人者風氏也初成風聞季友之繇遂事之  
而屬僖公焉故季子立之公賜季友汶陽之田及費又  
生而命之氏俾世其卿而私門彊矣於成風則舉大事  
於始祖之廟立以為夫人而嫡妾亂矣以私勞寵其臣  
而卑公室以私恩崇其母而輕宗廟皆越禮之罪也經  
書夫人而不稱冬十有二月丁未王崩  
周惠王崩太  
子鄭立是為  
姓氏其貶深矣

襄王不書葬  
魯不往會也

庚九年春王三月丁丑宋公御說卒

桓公名御說子茲父止是為襄公

左氏傳宋桓公卒未葬而襄公會諸侯故曰子凡在喪王曰小童公侯曰子公羊傳宋公御說卒何以不書

葬為襄公諱也

夏公會宰周公齊侯宋子衛侯鄭伯許男曹伯

于葵丘

宰周公周大宰食采于周宋子襄公也未踰年之君例書子葵丘杜氏曰宋地今汴梁路睢州

考城縣程子曰天子之宰與世子異故不殊會左氏傳尋盟且修好禮也王使宰孔賜齊侯胙曰天子有事

于文武使孔賜伯舅胙齊侯將下拜孔曰且有後命天子使孔曰以伯舅耄老加勞賜一級無下拜對曰天威

不遠願咫尺小白余敢貪天子之命無下拜恐墮越于下以遺天子羞敢不下拜下拜登受公羊傳宰周公

者何天子之為政者也殺梁傳天子之宰通于四海

宋其稱子何也未葬之辭也禮柩在堂上祇無外事今

背殯而出會以宋子為無哀矣胡氏傳其曰宰周公

者以冢宰兼三公也古者三公無其人則以六卿之有

道者上兼師保之任冢宰或闕亦以三公下行端揆之

職焉自司空進宅百揆又曰作朕股肱耳目是以宰臣

上兼師保之任也周公為師又曰位冢宰正百工是以

三公下行端揆之職也所以然者三公與王坐而論道

固難其人而冢宰統百官均四海亦不易處也夫以冢

宰兼三公其職任重矣而不殊會之何也人臣則有進

退之節出入均勞之義非王

世子貴有常尊之可比矣

秋七月乙酉伯姬卒

伯姬莊公

女也未嫁故不繫國公羊傳此未適人何以卒許嫁

矣婦人許嫁字而笄之死則以成人之喪治之殺梁

傳內女也未適人不卒此何以卒也許

嫁笄而字之死則以成人之喪治之九月戊辰諸侯

盟于葵丘

程子曰云諸侯盟見宰周公不與也左氏傳曰凡我同盟之人既盟之後言歸于好宰

孔先歸遇晉侯曰可無會也齊侯不務德而勤遠略故北伐山戎南伐楚西為此會也東略之不知西則否矣其在亂乎君務靖亂無勤于行晉侯乃還公羊傳桓之盟不日此何以日危之也何危爾賈澤之會桓公有夏中國之心不召而至者江人黃人也葵邱之會桓公震而矜之叛者九國震之者何猶曰振振然矜之者何猶曰莫若我也穀梁傳桓盟不日此何以日美之也為見天子之禁故備之也葵邱之盟陳牲而不殺讀書加於牲上壹明天子之禁曰毋雍泉毋訖糴毋易樹子母以妾為妻毋使婦人與國事胡氏傳會盟同地再言葵丘何也書之重詞之複其中必有大美惡焉葵丘之盟美之大者也初命曰誅不孝毋易樹子母以妾為妻再命曰尊賢育材以彰有德三命曰敬老慈幼無忌賓旅四命曰士無世官官事無攝取士必得無專殺大

夫五命曰毋曲防毋過程無有封而不告曰凡我同盟之人既盟之後言歸于好以是為盡禁矣諸侯咸喻乎桓公之志蓋束牲載書而不歃血也是故會盟同地而再言葵丘美之也觀孟子所載此盟初命之詞則知桓公翼戴襄王

甲子晉侯詭諸卒

不書葬不往會也左氏傳晉獻公卒里克平

鄭欲納文公故以三公子之徒作亂初獻公使荀息傅奚齊公疾召之曰以是藐諸孤辱在大夫其若之何稽首而對曰臣竭其股肱之力加之以忠貞其濟君之靈也不濟則以死繼之公曰何謂忠貞對曰公家之利知無不為忠也送往事居耦俱無猜貞也

冬晉里克殺其君之子奚齊

里克

夫奚齊獻公子驪姬所生者獻公雖以為子而未立故不書君而書其君之子左氏傳及里克將殺奚齊先告荀息曰三怨將作秦晉輔之子將何如荀息曰將死之里克曰無益也荀叔曰吾與先君言矣不可以貳能



欲復言而愛身乎雖無益也將焉辟之且人之欲善誰不如我我欲無貳而能謂人已乎冬十月里克殺奚齊于次書曰殺其君之子未葬也荀息將死之人曰不如立卓子而輔之公羊傳此未踰年之君其言弑其君之子奚齊何弑未踰年君之號也穀梁傳其君之子云者國人不子也國人不子何也不正其殺世子申生而立之也胡氏傳穀梁子曰其君之子云者國人不子也不正其殺申生而立之也人君擅一國之名寵為其所子則當子矣國人何為不子也民至愚而神是非好惡靡不明且公也其所子而弗子者莫能使人弗之子也非所子而子之者莫能使人之亦子也周幽王嘗黜太子宜臼子伯服矣而犬戎殺其身晉獻公亦殺世子申生立奚齊矣而大臣殺其子詩不云乎天生蒸民有物有則民之秉彝好是懿德此言天理根於人心雖以私欲滅之而有不可滅也春秋書此以明獻公之罪抑人欲之私示天理之公為後世戒其義大矣以此防

民猶有欲易太子而立趙王如意致夫人之為人最者

辛未十年春王正月公如齊

罷盟而朝也

狄滅溫溫子奔衛

溫姬

姓子爵國在今懷孟路孟州溫縣

左氏傳蘇子無信也蘇子叛王即狄又不能於狄狄人伐之王不救故滅

蘇子奔衛晉里克弑其君卓及其大夫荀息

卓獻公子驪姬姊所生者荀息

立之故稱君荀息稱大夫與孔文之義同

左氏傳荀息立公子卓以葬十一月里克弑其君卓于朝荀息死

之君子曰詩所謂白圭之玷尚可磨也斯言之玷不可為也荀息有焉

公羊傳及者何累也弑君多矣舍此

無累者乎曰有孔文仇牧皆累也舍孔文仇牧無累者乎曰有有則此何以書賢也何賢乎荀息荀息可謂不

食其言矣其不食其言奈何奚齊卓子者驪姬之子也荀息傅焉驪姬者國色也獻公愛之甚欲立其子於是

殺世子申生申生者里克傳之獻公病將死謂荀息曰  
士何如則可謂之信矣荀息對曰使死者反生生者不  
愧乎其言則可謂信矣獻公死奚齊立里克謂荀息曰  
君殺正而立不正廢長而立幼如之何願與子慮之荀  
息曰君嘗訊臣矣臣對曰使死者反生生者不愧乎其  
言則可謂信矣里克知其不可與謀退弑奚齊荀息立  
卓子里克弑卓子荀息死之荀息可謂不食其言矣  
穀梁傳以尊及卑也荀息闕也胡氏傳國人不君矣  
齊卓子而曰里克弑其君卓何也是里克君之也克者  
世子申生之傳也驪姬將殺世子而難里克使優施飲  
之酒而告之以其故里克聽其謀乃欲以中立自免稱  
疾不朝居三旬而難作是謂持祿容身速獻公殺嫡立  
庶之禍者故成其君臣之名以正其弑逆之罪克雖欲  
辭而不受其可得乎使克明於大臣之義據經廷諍以  
勸其君執節不貳固太子以攜其黨多為之故以變其  
志其濟則國之福也其不濟而死於其職亦無歎矣人

臣所明者義於功不貴幸而成所立者節於死不貴幸而免克欲以中立祈免自謂智矣而終亦不能免等死爾不死於世子而死於弑君其亦不知命之蔽哉語曰不知命無以為君子也為人臣而不知春秋之義者必陷於篡弑誅死之罪克之謂也荀息者奚齊卓子之傅也君弑而死於難書及所以著其節書大夫不失其官也於荀息何取焉若息者可謂不食其言矣或曰息既從君於昏不食其言庸足取乎世衰道微人愛其情私相疑貳以成傾危之俗至於刑牲歃血要質鬼神猶不能固其約也孰有可以托六尺之孤寄百里之命臨死節而不可奪如息者哉自古皆有死民無信不立故聖人以信易食而君子以信易生息不食言其可少乎

夏齊侯許男伐北戎

北戎山戎也地在今平樂路

晉殺其大夫里克

左氏傳周公忌父王子黨會齊隰朋立晉侯晉侯殺里克以莒將殺里克公使謂之曰微子則不及此雖然子

殺二君與一大夫為子君者不亦難乎對曰不有廢也  
君何以與欲加之罪其無辭乎臣聞命矣伏劍而死  
公羊傳里克殺二君則曷為不以討賊之詞言之惠公  
之大夫也然則孰立惠公里克也里克殺冀齊卓子逆  
惠公而入里克立惠公則惠公曷為殺之惠公曰爾既  
殺夫二孺子矣又將圖寡人為爾君者不亦病乎於是  
殺之然則曷為不言惠公之入晉之不言出入者踊為  
文公諱也齊小白入于齊則曷為不為桓公諱桓公之  
享國也長美見乎天下故不為之諱本惡也文公之享  
國也短美未見乎天下故為之諱本惡也穀梁傳稱  
國以殺罪累上也里克殺二君與一大夫其以累上之  
辭言之何也其殺之不以其罪也其殺之不以其罪奈  
何里克所謂弑者為重耳也夷吾曰是又將殺我乎故  
殺之不以其罪也其為重耳弑奈何晉獻公伐虢得驪  
姬獻公私之有二子長曰奚齊稚曰卓子驪姬欲為亂  
故謂君曰吾夜者夢夫人超而來曰吾苦畏胡不使大

夫將衛士而衛冢乎公曰孰可使曰臣莫尊於世子則世子可故君謂世子曰驪姬夢夫人起而來曰吾苦畏女其將衛士而往衛冢乎世子曰敬諾築宮宮成驪姬又曰吾夜者夢夫人起而來曰吾苦饑世子之宮已成則何為不使祠也故獻公謂世子曰其祠世子祠已祠致福於君君田而不在驪姬以酖為酒藥脯以毒獻公田來驪姬曰世子已祠故致福於君君將食驪姬跪曰食自外來者不可不試也覆酒於地而地賁以脯與犬犬死驪姬下堂而啼呼曰天乎天乎國子之國也子何違於為君君喟然歎曰吾與女未有過切是何與我之深也使人謂世子曰爾其圖之世子之傳里克謂世子曰入自明則可以生不入自明則不可以生世子曰吾君已老矣已昏矣吾若此而入自明則驪姬必死驪姬死則吾君不安所以使吾君不安者吾不若自死吾寧自殺以安吾君以重耳為寄矣刎脰而死故里克所為弑者為重耳也夷吾曰是又將殺我也胡氏傳里克

我二君與一大夫不以討賊之詞書者惠公殺之不以  
其罪奈何里克所為殺者為重耳也夷吾曰是又將殺  
我也則謂克曰爾既殺夫二孺子矣又將圖寡人為爾  
君者不亦病乎里克對曰不有廢也君何以興欲加之  
罪何患無詞臣聞命矣伏劍而死若惠公既立而謂克  
曰先君命大夫為世子傳世子死非其罪而大夫不之  
恤若奚齊者既有先君之命矣而大夫又殺之以及卓  
大夫雖殺之獨不念先君之命乎則克必再拜而死不  
復有言矣惠公乃曰又將圖寡人是殺之  
秋七月 冬  
不以其罪也故稱國以殺而不去其官

大雨雪

春秋之冬今之秋八月九月冬  
十月也此亦紀其非常故書

壬十有一年春晉殺其大夫平鄭父

左氏傳晉侯使以  
平鄭之亂來告天

王使召武公內史過賜晉侯命受玉情過歸告王曰晉  
侯其無後乎王賜之命而情於受瑞先自棄也已其何

繼之有禮國之幹也敬禮之與也不敬則禮不行禮不行則上下昏何以長世穀梁傳稱國以殺罪累上也

胡氏傳案左氏平鄭言於秦伯請出晉君則鄭有罪笑曷為稱國以殺而不去其官惠公以私意殺里克故其黨皆懼鄭之有此謀由殺里克致之也春秋以大義公天下為誅賞故書法如此其稱國者兼罪用事大夫不能格君心之非至於夏公及夫人姜氏會齊侯于陽多忌濫刑危其國也

穀胡氏傳襄陵許翰曰先乎陽穀之會為大雨雪後乎陽穀之會為大雪僖公賢君不能禮佐齊桓微其怠

忽而更與之俱肆於寵樂是以見戒於天如此以公夫人陽穀之會觀之齊桓伯業怠矣故楚人伐黃不能救凡此類屬詞比事直書秋八月大雩誌旱也穀梁傳于策而義自見者也雩月正也雩得雨

曰雩不得雨曰旱冬楚人伐黃以其從齊也左氏傳黃人不歸楚貢冬楚人伐黃胡氏傳



案穀梁子曰貫之盟管敬仲言於桓公江黃遠齊而近楚楚為利之國也若伐而不能救則無以宗諸侯矣桓公不聽遂與之盟管仲死楚伐江滅黃桓公不能救故君子聞之也遠國慕義去逆効順所謂出自幽谷遷于喬木春秋之所取也被兵城守更歷三時告命已至而援師不出則失救患分災卹同惡安與國之義矣滅弦滅溫皆不書伐滅黃而書伐者罪桓公既與會盟而又不能救也

癸酉 十有二年春王三月庚午日有食之

不書朔缺文也

夏楚人

滅黃

左氏傳黃人恃諸侯之睦于齊也不供楚職曰自郢及我九百里焉能害我夏楚滅黃

穀梁傳貫

之盟管仲曰江黃遠齊而近楚楚為利之國也若伐而不能救則無以宗諸侯矣桓公不聽遂與之盟管仲死楚伐江滅黃桓公不能救故君子聞之也胡氏傳春秋滅人之國其罪則一而見滅之君其例有三以歸者

既無死難之節又無克復之志貪生畏死甘就執辱其罪為重許斯頓牂之類是也出奔者雖不死於社稷有與復之望焉托於諸侯猶得寓禮其罪為輕弦子溫子之類是也若夫國滅死於其位是得正而斃焉者矣於禮為合於時為不幸若江黃二國是也其書滅者見夷狄之彊罪諸夏之弱責方伯連帥之不修其職使小國賢君困於彊暴不得其所公羊子所謂亡國之善詞上下之同力者也

秋七月 冬十有

二月丁丑陳侯杵臼卒

宣公名杵臼子欽正是為穆公

甲戌十有三年春狄侵衛

胡氏傳齊桓公為陽穀之會是肆於寵樂其行荒矣楚人伐黃

而救兵不起是患于簡書其業怠矣然後狄人窺伺中國今年侵衛明年侵鄭近在王都之側淮夷亦來病杞而不忌也伯益戒于舜曰無怠無荒四夷來王此至誠無息帝王之道春秋之法也齊桓晉文若此類者其事

則直書于策其義則游聖門者默識於言意  
之表矣故曰仲尼之徒無道桓文之事者  
夏四月葬

陳宣公 公會齊侯宋公陳侯衛侯鄭伯許男曹伯于

鹹齊侯為主也 鹹杜氏曰衛地今大名路開州濮陽縣東南有鹹城 左氏傳夏會于鹹淮夷病杞故且謀

王室 秋九月大雩 冬公子友如齊此亦罷會而聘也

乙亥十有四年春諸侯城緣陵諸侯即會于鹹之諸侯前目後凡無褒貶緣陵杜氏

曰杞邑今益都路維州昌益縣 左氏傳諸侯城緣陵而  
遷杞焉不書其人有闕也 公羊傳孰城之城杞也曷為

城杞滅也孰滅之蓋莒徐脅之曷為不言徐莒脅之為  
桓公諱也曷為為桓公諱上無天子下無方伯天下諸

侯有相滅亡者桓公不能救則桓公耻之也然則孰城  
之桓公城之不與諸侯專封也曷為不與實與而文不

與也曷為不與諸侯之義不得專封也諸侯之義不得專封則其曰實與之何上無天子下無方伯天下諸侯有相滅亡者力能救之則救之可也殺梁傳其曰諸侯散辭也聚而曰散何也諸侯城有散辭也桓德衰矣胡氏傳齊桓公城三國而書詞不同城楚丘則沒諸侯而不書城緣陵則書諸侯而不序城邢則再序三國之師何也邢以自遷為文故再列三國之師而書城邢者義其得救惠分災之義無封國之嫌也淮夷病杞諸侯會于鹹城緣陵而遷杞焉則其事專矣故前日後凡直書諸侯而不序也衛為狄滅東徙渡河野處曹邑桓公使公子無虧成以甲士歸其祭服乘馮凡為國之用其力尤勤其功尤大其事尤專而春秋責之尤重曰城楚丘而不書諸侯正王法也是故以功言之則楚丘為大以義言之則城邢為美春秋之法明其道不計其功正其義不謀其利也詳著城邢之師而深沒楚丘之迹貴王賤霸羞稱桓文以正待人之體也明此義則知曾西不

為管仲深畏仲由之說矣夏六月季姬及鄆子遇于防使鄆子來朝

鄭妣姓子爵國在今汴梁路所州承縣季姬莊公女僖公之妹使自擇配故與鄆子遇而使來朝失道之甚也左氏謂來寧而止之誤也季姬於十五年九月始嫁此方使之來朝而求婚書遇使來朝紀其實也垂戒深矣左氏傳鄆季姬來寧公怒止之以鄆子之不朝也夏遇于防而使來朝公羊傳鄆子曷為使乎季姬來朝內辭也非使來朝使來請已也穀梁傳遇者同謀也來朝者來請已也朝不言使言使非正也以病鄆子也胡氏傳春秋內女適人者明有所從則繫諸國若杞伯姬是也其未適人者欲有所別則書其字若子叔姬是也季姬書字而未繫諸國其女而非婦亦明矣及者內為志內女而外與諸侯遇識魯也朝不言使言使非正鄆子國君而季姬使之朝病鄆也魯秉周禮男女之際豈其若是之甚乎蓋魯公鍾愛其女使自擇配故得與鄆子

遇于防而遂以季姬歸之爾有五光之德有伯鸞之賢變而不失禮之正則猶可矣不然非所以為煖而厚其

別也故稱及稱遇稱使罪魯與秋八月辛卯沙鹿崩沙

晉山名杜氏曰平陽元城縣有沙鹿土山在今平陽路霍州趙城縣聞而知之故不曰晉左氏傳晉卜偃曰

期年將有大咎幾亡國公羊傳沙鹿者何河上之邑也此邑也其言崩何襲邑也沙鹿崩何以書記異也外

異不書此何以書為天下記異也穀梁傳林屬於山為鹿沙山名也無崩道而崩故志之也其日重其變也

詩稱百川沸騰山冢卒崩言西周之將亡也書沙鹿崩

於前書獲晉侯於後雖不指其事應而事應具存此春秋畏物之反常為異使人恐懼修省之意也其蚤戒明

矣狄侵鄭常是赤狄之冬蔡侯貜卒穆侯名貜子甲午

月日缺文也 穀梁傳諸侯時卒惡之也

丙子十有五年春王正月公如齊

罷會而朝也

楚人伐徐

楚人將卑

師少也 左氏傳楚人伐徐徐即諸夏故也

三月公會齊侯宋公陳侯衛侯

鄭伯許男曹伯盟于牡邱遂次于匡公孫教帥師及諸

侯之大夫救徐

齊主盟故不書同楚伐徐而諸侯盟于牡邱欲以救徐固為善矣而書次于匡

譏不即救也 杜氏曰衛地今汴梁路睢州襄邑縣公孫教魯大夫慶

父之子也 諸侯在會而使大夫救徐 齊桓之伯業衰矣 政自大夫出之所由始也 左氏傳尋葵邱之盟且救

徐也 孟穆伯帥師及諸侯之師救徐 諸侯次于匡以待 之 穀梁傳兵車之會也 遂繼事也 次止也有畏也 善

救徐也胡氏傳楚都于郢距徐亦遠而舉兵伐徐暴橫憑陵之罪著矣徐在山東與齊密邇以封境言之不

可以不速救以形勢言之非有餽糧越險之難也今書盟于牡丘見諸侯救患之不協矣書次于匡見伯主號

令之不嚴矣書大夫帥師而諸侯不行見桓德益衰而禦夷狄安中國之志怠矣凡兵而書救未有不善之也

救而書次則尤罪其當速而故緩失用師之義矣中庸曰至誠無息不息則久春秋謹始卒欲有國者救不息

之誠也始勤而終怠則不能久而無以固其國矣夏五月日有食之不書日不書朔缺文

也左氏傳不書朔與日官失之也秋七月齊師曹師伐厲厲乃楚與國故齊主兵與

曹共伐二國稱師將軍師衆也厲爵姓未詳國八月螽在今陝州路隨州左氏傳伐厲以救徐也

穀梁傳螽蟥災也九月公至自會公羊傳桓公之會不甚則月不甚則時致此何以致久也



李姬歸于鄆

來逆非卿故不書逆

己卯晦震夷伯之廟

己卯晦九月晦日也

震雷也魯公子展字夷伯其後為展氏夷伯之廟當毀而不毀故雷擊毀之項氏曰因事以見廟制之違也

左氏傳罪之也於是展氏有隱慝焉公羊傳晦者何

冥也震之者何雷電擊夷伯之廟者也夷伯者曷為者

也季氏之孚也季氏之孚則微者其稱夷伯者何大之

也曷為大之天戒之故大之也何以書記異也穀梁

傳晦冥也震雷也夷伯魯大夫也因此以見天子至於

士皆有廟天子七廟諸侯五大夫三士二故德厚者流

光德薄者流卑是以貴始德之本也始封必為祖胡

氏傳震者雷電擊夷伯之廟也不曰夷伯之廟震而曰

震夷伯之廟者天應之也天人相感之際微矣夷伯者

魯大夫也大夫既卒不名穀梁以為因此見天子至于

士皆有廟天子七諸侯五大夫三士二故德厚者流

光德薄者流卑是以貴始德之本也始封必為祖冬

春秋左傳卷之八

春秋集傳釋義大成

三十三

宋人伐曹

左氏傳討舊怨也

楚人敗徐于婁林

婁林杜氏曰徐地今淮安路泗

州臨淮縣有婁林

殺梁傳夷狄相敗志也

左氏傳徐恃

十有一月壬戌晉侯

及秦伯戰于韓獲晉侯

書晉及曲在晉也韓杜氏曰晉地今奉元路同州韓城縣啖氏

曰生擒曰獲

左氏傳晉侯之入也秦穆姬屬賈君焉且曰盡納羣公子晉侯烝於賈君又不納羣公子是以

穆姬怨之晉侯許賂中大夫既而皆背之賂秦伯以河外列城五東盡虢略南及華山內及解梁城既不與

晉饑秦輸之粟秦饑晉閉之糴故秦伯伐晉卜徒父筮之吉涉河侯車敗詰之對曰乃大吉也三敗必獲晉君

其卦遇蠱曰千乘三去三去之餘獲其雄旅夫旅蠱必其君也蠱之貞風也其悔山也歲云秋矣我旅其實而

取其材所以克也實落材亡不敗何待三敗及韓晉侯謂慶鄭曰寇深矣若之何對曰君實深之可若何公曰

不孫卜右慶鄭吉弗使步揚御戎家僕徒為右乘小駟  
鄭入也慶鄭曰古者大事必衆其產生其水土而知其  
人心安其教訓而服習其道唯所納之無不如志今乘  
異產以從戎事及懼而變將與人易亂氣枝憤陰血周  
作張脉憤興外彊中乾進退不可周旋不能君必悔之  
弗聽九月晉侯逆秦師使韓簡視師復曰師少於我闕  
士倍我公曰何故對曰出因其資入用其寵饑食其粟  
三施而無報是以來也今又擊之我急秦奮倍猶未也  
公曰一夫不可狃況國乎遂使請戰曰寡人不佞能合  
其衆而不能離也君若不還無所逃命秦伯使公孫枝  
對曰君之未入寡人懼之入而未定列猶吾憂也苟列  
定矣敢不承命韓簡退曰吾幸而得囚壬戌戰于韓原  
晉戎馬還渾而止公號慶鄭慶鄭曰復諫違卜固敗是  
求又何逃焉遂去之梁由靡御韓簡虢射為右賂秦伯  
將止之鄭以救公誤之遂失秦伯秦獲晉侯以歸晉大  
夫反首拔舍從之秦伯使辭焉曰二三子何其感也寡

人之從軍而西也亦晉之妖夢是踐豈敢以至晉大夫  
三拜稽首曰君履后土而戴皇天皇天后土實聞君之  
言羣臣敢在下風穆姬聞晉侯將至以太子瑩弼與女  
簡璧登臺而履薪焉使以免服衰絰逆且告曰上天降  
災使我兩君匪以玉帛相見而以興戎若晉君朝以入  
則婢子夕以死夕以入則朝以死唯君裁之乃舍諸靈  
臺大夫請以入公曰獲晉侯以厚歸也既而喪歸焉用  
之大夫其何有焉且晉人感憂以重我天地以要我  
不圖晉憂重其怒也我食吾言背天地也重怒難任背天  
不祥必歸晉君公子繫曰不如殺之無聚慝焉子桑曰  
歸之而質其太子必得大成晉未可滅而殺其君祇以  
成惡且史佚有言曰無始禍無怙亂無重怒重怒難任  
陵人不祥乃許晉平晉侯使卻乞告瑕呂飴甥且召之  
子金敎之言曰朝國人而以君命賞且告之曰孤雖歸  
辱社稷矣其卜貳圉也衆皆哭晉於是乎作爰田呂甥  
曰君亡之不恤而羣臣是憂患之至也將若君何衆曰

何為而可對曰征繕以輔孺子諸侯聞之喪君有君羣臣輯睦甲兵益多好我者勸惡我者懼庶有益乎衆說晉於是乎作州兵初晉獻公筮嫁伯姬於秦遇歸妹之睽史蘇占之曰不吉其繇曰士刲羊亦無益也女承筐亦無貺也西鄰責言不可償也歸妹之睽猶無相也震之離亦離之震為雷為火為羸敗姬車說其輶火焚其旗不利行師敗于宗邱歸妹睽孤寇張之弧姪其從姑六年其逋逃歸其國而棄其家明年其死於高梁之虛及惠公在秦曰先君若從史蘇之占吾不及此夫韓簡侍曰龜象也筮數也物生而後有象象而後有滋滋而後有數先君之敗德及可數乎史蘇是占勿從何益詩曰下民之孽匪降自天傳沓背憎職競由人晉陰飴甥會秦伯盟于王城秦伯曰晉國和乎對曰不和小人恥失其君而悼喪其親不憚征繕以立圉也曰必報仇寧事戎狄君子愛其君而知其罪不憚征繕以待秦命曰必報德有死無二以此不和秦伯曰國謂君何對曰小

人感謂之不免君子恕以為必歸小人曰我毒秦秦豈  
歸君君子曰我知罪矣秦必歸君貳而執之服而舍之  
德莫厚焉刑莫威焉服者懷德貳者畏刑此一役也秦  
可以伯納而不定廢而不立以德為怨秦不其然秦伯  
曰是吾心也改館晉侯饋七牢馬蛾析為慶鄭曰盍行  
乎對曰陷君於敗敗而不死又使失刑非人臣也臣而  
不臣行將焉入十一月晉侯歸丁丑殺慶鄭而後入是  
歲晉又饑秦伯又餽之粟曰吾怨其君而矜其民且吾  
聞唐叔之封也箕子曰其後必大晉其庸可冀乎姑櫛  
德焉以待能者於是秦始征晉河東置官司焉公羊  
傳此偏戰也何以不言師敗績君獲不言師敗績也  
穀梁傳韓之戰晉侯失民矣以其民未敗而君獲也  
胡氏傳秦伯伐晉而經不書伐專罪晉也獲晉侯以歸  
而經不書歸免秦伯也書伐書及者兩俱有罪而以及  
為主書獲書歸者兩俱有罪而以歸為甚今此專罪晉  
侯之背施幸災貪愛怒隣而怨秦伯也然則秦戰義乎

春秋無義戰彼善於此則有之矣其不言師敗績何也  
君獲不言師敗績君重於師也大夫戰而見獲必書師  
敗績師與大夫敵也君為重師次之大夫敵春秋之法  
也與孟子之言何以異孟子為時君牛羊用人莫之恤  
也故以民為貴君為輕春秋正名定分為萬世法故以  
君為重師次之堯以天下命舜舜亦以命禹必稱元后  
為先此經世大常而仲尼蓋祖述之也惟此義不行  
然後叛逆之黨有託以為民輕棄君親而不顧者矣

丁丑十有六年春王正月戊申朔隕石于宋五

隕石自空而墜也于

宋都之傍其數有五此宋災異也來告故書程子曰自  
空凝結而墜也今歸德府睢陽縣有隕石水又名漆溝

左氏傳隕星也

公羊傳昌為先言實而後言石實

石記聞聞其碩然視之則石察之則五穀梁傳先隕

而後石何也隕而後石也于宋四竟之內曰宋後數散  
辭也耳治也明氏傳隕石自空凝結而隕也石隕于

宋而書曰隕石此天應之也和氣致祥乖氣致異人事感於下則天變應於上苟知其故恐懼修省變可消矣

是月六鵠退飛過宋都

鵠水鳥名程子曰退飛倒逆飛也必有氣驅之左氏傳風也

周內史叔興聘於宋宋襄公問焉曰是何祥也吉凶焉在對曰今茲魯多大喪明年齊有亂君將得諸侯而不終退而告人曰君失問是陰陽之事非吉凶所生也吉凶由人吾不敢逆君故也公羊傳是月者何僅逮是月

也何以不日晦日也晦則何以不言晦春秋不書晦也朔有事則書晦雖有事不書曷為先言六而後言鵠六鵠退飛記見也視之則六察之則鵠徐而察之則退飛五石六鵠何以書記異也外異不書此何以書為王者之後記異也穀梁傳是月者決不日而月也六鵠退飛過宋都先數聚辭也自治也子曰石無知之物鵠微有知之物石無知故曰之鵠微有知之物故月之君子之於物無所苟而已矣石鵠且猶盡其辭而況於人乎故



五石六鷁之辭不設則王道不亢矣民所聚曰都胡氏傳退飛有氣逆驅而飛也石隕鷁飛而得其數與名在春秋時凡有國者察於物象之變亦審矣此宋異也何以書于魯史亦見當時諸國有非所當告而告者矣何以不削乎聖人因災異以明天人感應之理而著之於經垂戒後世宋襄公以亡國之餘欲圖伯業五石隕六鷁退飛不自省其德也後五年有彗之執又明年有泓之敗天之示人顯矣聖人所書之義明矣可不察哉

### 三月壬申公子季友卒

後為季孫氏 胡氏傳季者其字也友者其名也大夫卒而書

名則昌為稱字聞諸師曰春秋時魯卿有生而賜氏者季友仲遂是也生而賜氏者何命之世為卿也季子忠賢在僖公有翼戴之勤襄仲弑逆在宣公有援立之力此二君者不勝私情欲以異賞報之也故皆生而賜氏俾世其官繼於其卒各以氏書者誌變法亂紀之端貽權臣竊命之禍其垂戒遠矣

夏四月丙申

鄧季姬卒

胡氏傳內女嫁于諸侯則尊同尊同則記其卒記其卒則必記其葬然而有不記者此筆

削之旨非可以例求者也宋伯姬在家為淑女既嫁為賢婦死於義而不同此行之超絕卓異者既書其葬又載其盛僖公鍾愛季姬使自擇配季姬不能自克以禮時愛而行雖書其卒因奪其葬所以謹夫婦之道正人倫之紀明王教之始也以此防民猶有嫁殤立秋七月廟舉朝素衣親臨祖載如魏明帝之厚其女者

甲子公孫茲卒

後為叔孫氏

冬十有二月公會齊侯宋公陳

侯衛侯鄭伯許男邢侯曹伯于淮

齊桓主會終于此淮杜氏曰臨淮郡今淮

安路泗州臨淮縣也左氏傳謀鄧且東略也城鄧役人病有夜登邱而呼曰齊有亂不果城而還穀梁傳

兵車之會也

戊寅十有七年春齊人徐人伐英氏齊主兵書人將卑師少也英氏杜氏曰姓

爵地俱闕鄭氏曰韋陶之後楚與國也今廬州路大安州有英山縣左氏傳以報婁林之役也夏滅

項魯滅之也公穀謂齊滅非也程子曰滅人之國罪惡大矣在君則當諱故魯滅國書取今項之滅君在會

季孫之所為也故不諱項子爵姓闕國在今汴梁路陳州商水縣左氏傳師滅項淮之會公有諸侯之事未

歸而取項齊人以為討而止公公羊傳孰滅之齊滅之曷為不言齊滅之為桓公諱也春秋為賢者諱此滅

人之國何賢爾君子之惡惡也疾始善善也樂終桓公嘗有繼絕存亡之功故君子為之諱也穀梁傳孰滅

之桓公也何以不言桓公也為賢者諱也項國也不可滅而滅之乎桓公知項之可滅也既滅人之國矣何賢

乎君子惡惡疾其始善善樂其終桓公嘗有存亡繼絕之功故君子為之諱也胡氏傳案左氏淮之會公有

諸侯之事未歸而取項齊人以為討而止公然則滅項者魯也二傳以為桓公滅之孰信乎考於經未有書外滅而不言國者如齊師滅譚是也亦未有書內取而直言魯者如取邾取邾取鄆是也由此知項為魯滅無疑矣然聖人於魯事有君臣之義凡大惡必隱避其詞而為之諱今此滅項其惡大矣曷不諱乎曰事有隱諱臣子施之於君父者也故成公取邾襄公取邾昭公取鄆皆不言滅而書取程氏以為在君則當諱是也若夫滅項則僖公在會季孫所為爾執政之臣擅權為惡而不與之諱此春秋尊君抑臣不為朋黨比周之意也秋夫人姜氏會齊侯于卞

夫人僖公夫人聲姜也卞杜氏曰魯地今濟南路兗州泗水縣

左氏傳聲姜以

九月公至自會

左氏傳九月公至書曰至自會猶有諸侯

之事焉且

冬十有二月乙亥齊侯小白卒

齊桓公名小白五公子爭

立以至於亂呂氏曰桓公雖能用管仲有一匡天下之功然仲本無正心誠意格君之學徒急於一時之功利卒致五子之亂其所以有始無終者家法不正也左氏傳初齊侯之夫人三王姬徐嬴蔡姬皆無子齊侯好內多內寵內嬖如夫人者六人長衛姬生武孟少衛姬生惠公鄭姬生孝公葛嬴生昭公密姬生懿公宋華子生公子雍公與管仲屬孝公於宋襄公以為太子雍正有寵於衛共姬因寺人貂以薦羞於公亦有龍公許之立武孟管仲卒五公子皆求立冬十月乙亥齊桓公卒易牙入與寺人貂因內寵以殺羣吏而立公子無虧孝公奔宋十二月乙亥赴辛巳夜殯穀梁傳此不正其日之何也其不正前見矣其不正之前見何也以不正入虛國故稱嬖馬爾

已卯十有八年春王正月宋公曹伯衛人邾人伐齊

宋公  
主兵

謀納齊孝公昭也昭雖不當立而有先君之命無虧雖長當立而無先君之命故皆不書而止以伐齊為文

左氏傳宋襄公以諸侯伐齊三月齊人殺無虧公羊傳宋公會曹伯衛人邾婁人伐齊穀梁傳非伐喪也

夏師救齊內將卑師眾止曰師穀梁傳善救齊也胡氏傳書師救齊者善魯也救者善則伐者

惡矣凡書救者五月戊寅宋師及齊師戰于贏齊師敗未有不善之也

績獻杜氏曰齊地程子曰書宋及曲在宋也奉少以奪長其罪大矣齊師敗績書敗責齊臣也左氏傳宋

敗齊師于贏立孝公而還公羊傳戰不言伐此其言伐何宋公與伐而不與戰故言伐春秋伐者為客戰者

為主曷為不使齊主之與襄公之征齊也曷為與襄公之征齊桓公死豎刁易牙爭權不葬為是故伐之也

穀梁傳戰不言伐客不言言及言及惡宋也胡氏傳伐齊之喪奉少奪長其罪大故其責詳凡伐者為客受伐

者為主今齊人受伐以宋為主者曲在宋也凡師直為壯曲為老書齊師敗績者責齊臣也或曰桓公管仲嘗屬孝公於宋襄以為世子矣則何以不可立乎曰不能制命雖天王欲撫鄭伯以從楚春秋猶以大義裁之而不與也桓公君臣乃欲以私愛亂長幼之節其可哉獨不見宣王與仲山甫爭魯侯戲括之事其後如之何也

春秋深罪宋

狄救齊

善狄救所以罪宋也諸侯之惡可

公大義明矣見矣穀梁傳善救齊也胡氏傳書狄救齊者許狄也許夷狄則罪諸夏矣

秋八月丁

亥葬齊桓公

齊亂是以緩胡氏傳桓公九合諸侯不以兵車威令加乎四海幾於改物雖名方

伯實行天子之事然而不能慎終如始付託非人極方在殯四鄰謀動其國家而莫之恤至於九月而後葬以此見功利之在人淺矣春秋明道正義不急近功不冬規小利於齊桓晉文之事有所貶而無過褒以此

邢人狄人伐衛

邢狄稱人將卑師少也胡傳以狄稱人為進之誤也然則邢稱人亦豈進之乎

胡氏傳狄稱人進之也慕義而來進之可也逞兵威伐衛而進之可乎伐衛所以救齊也衛嘗亡滅東徙渡

河無所往告齊桓公救其亂而封之使衛國忌亡誰之賜也桓公方沒不念舊德欲厚報之遽伐其喪亦太甚

矣以直報怨聖人之公也以怨報怨天下之私也以德報怨寬身之仁也以怨報德刑戮之民也至是人理亡

矣桓公挾大義安中國成一匡之烈諸侯不念其賜而於衛為尤先書狄救齊以著中國諸侯之罪再書狄人

伐衛所以見救齊之善功近而德遠矣

十有九年春王三月宋人執滕子嬰齊

執拘而囚之也宋襄欲繼

齊桓之伯首伐齊而奉少奪長今宋人又執滕子是以力不以德也左氏傳宋人執滕宣公胡氏傳執之以



是非決於稱人與稱爵而見執者則以名與不名知其罪之在也經書見執於人者悉皆不名而滕子獨名是亦有罪焉爾夫以齊桓之威九合諸侯不以兵車雖江黃遠國猶相繼來盟而滕介齊宋之間不與衣裳之會者三十有七年及宋襄繼起又不尊事大國其見執則有由矣書名著其罪也苟為有罪其見執固宜宋何以稱人不得為伯討乎執雖以罪不歸于京師則稱人惡其事也歸于京師而執非其罪則稱人惡其濫也夏

六月宋公曹人邾人盟于曹南

宋襄圖伯也曹人邾人微者也曹南曹都之南

鄆子會盟于邾已酉邾人執鄆子用之

鄆子後至故不及曹南之盟而

會于邾執而用之以祭神也殺國君以祭神大亂道也左氏傳宋公使邾文公用鄆子于次睢之社欲以屬東夷司馬子魚曰古者六畜不相為用小事不用大牲而况敢用人乎祭祀以為人也民神之主也用人其

誰饗之齊桓公存三亡國以屬諸侯義士猶曰薄德今  
一會而虐二國之君又用諸淫昏之鬼將以求伯不亦  
難乎得死為幸公羊傳鄆子會盟于邾婁其言會盟  
何後會也已酉邾婁人執鄆子用之惡乎用之用之社  
也其用之社奈何蓋叩其鼻以血社也穀梁傳微國  
之君因邾以求與之盟人因已以求與之盟已迎而執  
之惡之故謹而日之也用秋宋人圍曹宋襄公伯一年  
之者叩其鼻以衄社也

秋宋人圍曹

宋襄公伯一年之中虐二國之

君今宋人又圍同盟一國失道之甚也故卒不能成功  
胡氏傳盟于曹南口血未乾今復圍曹者討不服也  
愛人不親反其仁治人不治反其智宋公不能內自省  
德而急於合諸侯執要齊非伯討不足以示威盟曹南  
非同志不足以示信卒於兵敗身傷不知反求諸已欲  
速見小利之過也漢景削七國而吳楚叛東都疾橫議  
而黨錮興唐文宗切於除姦而訓注用故子厚為莒父  
宰問政子曰無欲速無見小利欲速則不達見小利則

大事不成經書襄公不越數端而知其操心之若此者仲尼筆削推見至隱如化工賦象并其情不得邀焉非時畫筆之肖其形爾故春

### 衛人伐邢

此報復之師也而左氏以為天意師

秋者化工也非畫筆也

與而雨不亦誣哉凡此之類皆當據經義傳勿以為然可也

左氏傳以報菟圃之役於是衛大旱卜有事於山川不吉甯莊子曰昔周饑克殷而年豐今邢方無道諸侯無伯天其或者或使衛討邢乎從之師興而雨

### 冬會陳人蔡人楚人鄭人盟于齊

此與楚盟之始內稱會外稱人皆一命之

微者也而胡氏謂稱人為貶誤矣

左氏傳盟于齊修桓公之好也

胡氏傳盟會皆君之禮也微者盟會不志于春秋凡所志者必有君與貴大夫居其間也然則為此盟者乃公與陳蔡楚鄭之君或其大夫矣曷為內則沒公外則人諸侯與其大夫諱是盟也楚人之得與中國會盟自此始也莊公十年荆敗蔡師始見於經其

後入蔡伐鄭皆以號舉夷狄之也僖公元年改而稱楚  
經亦書人於是乎沒疆矣然終桓公世皆止書人而不  
得與中國盟會者以齊修伯業能制其疆故也桓公既  
沒中國無伯鄭伯首朝于楚其後遂為此盟故春秋沒  
公人陳蔡諸侯而以鄭列其下蓋深罪之也又二年復  
盟于鹿上至會于孟遂執宋公以伐宋而楚於是乎大  
張列位於陳蔡之上而書爵矣聖人書此豈與之乎所  
以著荆楚之彊傷中國之哀莫能抗也故深譱此盟一  
以外荆楚二以惡諸侯之**梁亡**梁嬴姓伯爵國在今奉  
元路同州郃陽縣秦滅  
失道三以謹盟會之始也**梁亡**梁嬴姓伯爵國在今奉  
元路同州郃陽縣秦滅  
之不書秦滅見其自取滅亡也或曰有闕文左氏傳  
不書其主自取之也初梁伯好土功亟城而弗處民罷  
而弗堪則曰某寇將至乃滿公宮曰秦將襲我民懼而  
潰秦遂取梁公羊傳此未有伐者其言梁亡何自亡  
也其自亡奈何魚爛而亡也穀梁傳自亡也而於酒  
淫於色心昏耳目塞上無正長之治大臣背叛民為寇

盜梁亡自亡也如加力從焉酒不足道也梁亡鄭棄其師我無加損焉正名而已矣梁亡出惡正也鄭棄其師惡其長也胡氏傳陸淳曰秦肆其暴取人之國沒而不書其義安在曰乘人之危惡易見也滅人之國罪易知也自取亡滅者其事微矣春秋之作聖人之所以明微也梁本侯國魚爛而亡何哉易曰天行健君子以自強不息古者諸侯朝修其禁令晝攷其國職夕省其典刑夜微其百工無使惰淫而後即安故克勤于邦荒度土功者禹也慄慄危懼檢身若不及者湯也自朝至于日中昃不遑暇食用咸和萬民者文王也凡有國家者土地雖廣人民雖衆兵甲雖多城郭雖固而不能自強於政治則日危月削如火消膏以滅亡而莫覺也而況好土功輕民力酒於酒淫於色心昏而出惡政者乎其亡可立而待矣

辛巳二十年春新作南門

南門魯城南門也又名稷門新者有故之謂作者更作之也更

舊而變其制故書新作左氏傳書不時也凡啟塞從  
時公羊傳何以書譏何譏爾門有古常也穀梁傳作

為也有加其度也言新有故也非作也南門者法門也  
胡氏傳言新者有故也言作者創始也其曰南門者南非

一門也庫門天子卑門雉門天子應門書新作南門譏  
用民力於所不當為也魯人為長府閔子騫曰仍舊貫

如之何何必改作孔子曰夫人不言言必有中春秋凡  
用民力得其時制者猶書于策以見勞民為重事而况

輒用於所不當為者乎然僖公嘗修泮宮復閔宮矣奚  
斯董其役史克頌其事而經不書者官廟以事其祖考

學校以教國之子弟二者為國之先務夏郕子來朝公  
雖用民力不可廢也其垂教之意深矣

傳郕子者何失地之君五月乙巳西宮災西宮魯別宮  
也何以不名兄弟辭也

公羊傳西宮者何小寢也小寢則曷為謂之西宮有  
西宮則有東宮矣魯子曰以有西宮亦知諸侯之有三

官也西宮災何以書記異也穀梁傳謂之新官則鄭近為禍官以謚言之則如疏之然以是為閔宮也

人入滑

鄭人將卑師少也造其國都曰入左氏傳滑人叛鄭而服於衛夏鄭公子士洩堵魋帥師入

滑

秋齊人狄人盟于邢

書人微者也齊為主左氏傳邢為邢謀衛難也於是衛方病邢

穀梁傳邢為主焉爾邢小其為主何也其為主乎救齊

冬楚人伐隨

隨姬姓侯爵國在今陝州

路隨州

二十有一年春秋侵衛

為邢侵也

宋人齊人楚人盟于鹿

上

宋為盟主平齊楚也人皆微者也鹿上杜氏曰宋地今河南府路亳州鹿邑縣左氏傳宋人為鹿上之

盟以求諸侯於楚楚人許之公子目夷夏大旱左氏傳曰小國爭盟禍也宋其亡乎幸而後敗公欲焚

巫臣臧文仲曰非旱備也修城郭貶食省用務穡勤分此其務也巫臣何為天欲殺之則如勿生若能為旱焚之滋甚公從之是歲也饑而不害公羊傳何以書記災也穀梁傳旱時正也秋宋公楚子

陳侯蔡侯鄭伯許男曹伯會于孟執宋公以伐宋

宋為主故

先序謹好而執盟主以伐其國失道之甚也孟杜氏曰宋地鄭氏曰鄭地今懷孟路孟州程子曰宋帥諸侯為會而蠻夷執會主諸侯莫違故以同執為文左氏傳秋諸侯會宋公子孟子魚曰禍其在此乎君欲已甚其何以堪之於是楚執宋公以伐宋公羊傳孰執之楚子執之曷為不言楚子執之不與夷狄之執中國也穀梁傳以重辭也胡氏傳執宋公者楚子也何以不言楚子執分惡於諸侯也諸侯皆在會而蠻夷執會主拱手以聽而莫之救違其不勇於為義亦甚矣故特列楚子於陳蔡之上而以同執為文以楚之彊豈能勝秦



五國之衆何弱於趙然澠池之會蘭相如一奮其氣威  
信敵國秦雖虎狼猶不敢動況以五國之君而不能得  
志於荆楚乎宋以乘車之會往而楚伏兵車以執之則  
宋直楚曲其義已明雖以匹夫自反而縮猶不可恥矧  
南面之君也哉然春秋為賢者諱宋公見執不少隱之  
何也夫盟主者所以合天下之諸侯懷戎狄尊周室者  
也宋公欲繼齊桓之烈而與楚盟會豈懷夷狄尊周室  
之義乎故人宋公於鹿上之盟而孟之會直書其事而  
不隱所以冬公伐邾內將卑師少楚人使宜申來獻捷  
深貶之也

冬公伐邾

內將卑師少

楚人使宜申來獻捷

宜申楚大夫捷伐宋所獲也楚使來獻欲威魯也書曰  
獻抑楚之辭不曰宋捷為中國諱也公羊傳此楚子  
也其稱人何貶曷為貶為執宋公貶曷為為執宋公貶  
宋公與楚子期以乘車之會公子目夷諫曰楚夷國也  
彊而無義請君以兵車之會往宋公曰不可吾與之約  
以乘車之會自我為之自我墮之曰不可終以乘車之

會往楚人果伏兵車執宋公以伐宋宋公謂公子目夷曰子歸守國矣國子之國也吾不從子之言以至乎此公子目夷復曰君雖不言國國固臣之國也於是歸設守械而守國楚人謂宋人曰子不與我國吾將殺子君笑宋人應之曰吾賴社稷之神靈吾國已有君矣楚人知雖殺宋公猶不得宋國於是釋宋公宋公釋乎執走之衛公子目夷復曰國為君守之君曷為不入然後逆襄公歸惡乎捷捷乎宋曷為不言捷乎宋為襄公諱也此國辭也曷為不言其國為公子目夷諱也 殺梁傅捷軍得也其不曰宋捷何也不與楚捷於宋也 胡氏傳傳不曰宋獻宋捷為魯諱也諸侯從楚伐宋而魯獨不與故楚來獻捷以脅魯為魯計者拒其使而不受可也請於天王而討之可也宋公先代之後作賓王家方修盟會而伏兵車執之於壇坫之上又以軍獲遺獻諸侯其橫逆甚矣拒其使而不受聲其罪而致討不患無詞魯於是時曾不能申大義以攘荆楚尊中國故不曰宋

捷特為魯諸侯十有二月癸丑公會諸侯盟于薄釋宋公

即會孟之諸侯也薄杜氏曰宋地在今汴梁路睢州考城縣左氏傳冬會于薄以釋之子魚曰禍猶未也未

足以懲君公羊傳執未有言釋之者此其言釋之何公與為爾也公與為爾奈何公與議爾也穀梁傳會者

外為主焉爾外釋不志此其志何也以公之與之盟目之也不言楚不與楚專釋也胡氏傳會不書其所為獨

會于稷書成宋亂者為受郕鼎立華督也會于澶淵言宋災故者為蔡侯不討般也盟不書所為而盟于薄

言釋宋公者宋方主會而蠻荆執而伐之以其俘獲來遺是蠻荆得為中夏主諸姬將人抱漢陽之戚此正天

下大變春秋之所謹也魯既不能申大義以抑其彊暴使宋公見釋出自天王與中國而顧與敵血要言求楚

子以釋之是操縱大權自蠻荆出其事已偵甚矣故書會盟書釋皆不言楚子為魯諱以深貶之也穀梁謂不

與楚專釋是已或以為  
嘉我公之救患誤矣

癸未二十有二年春公伐邾取須句

須句風姓子爵國在今東平路須城縣

左氏傳任宿須句顓臾風姓也實司太皞與有濟之祀以服事諸夏邾人滅須句須句子來奔因成風也成風為之言於公曰崇明祀保小寡周禮也蠻夷滑夏周禍也若封須句是崇皞濟而修祀紓禍也反其君焉禮也

胡氏傳案左氏須句風姓實司太皞與有濟之祀邾人滅之須句子來奔因成風也公伐邾取須句而反其

君焉審如是固得崇明祀保小寡之禮何以書取乎不請於王命而專為母家報怨謀動干戈於邦內擅取人

國而反其君是以亂易亂非所夏宋公衛侯許男滕子

伐鄭

宋主兵圍伯也鄭從楚故伐之左氏傳三月秋鄭伯如楚夏宋公伐鄭子魚曰所謂禍在此矣秋

八月丁未及邾人戰于升陘

升陘杜氏曰魯地內稱及外稱人皆將卑師少也

左氏傳邾人以須句故出師公卑邾不設備而禦之臧文仲曰國無小不可易也無備雖衆不可恃也詩云戰戰兢兢如臨深淵如履薄冰又曰敬之敬之天惟顯思命不易哉先王之明德猶無不難也無不懼也況我小國乎君其無謂邾小蠱蜚有毒而況國乎勿聽八月丁未公及邾師戰于升陘我師敗績邾人獲公冑慙諸魚門 殺梁傳內諱敗舉其可道者也不言其人以吾敗也不言及之者為內諱也 胡氏傳邾人以須句故出師公

卑邾不設備戰于升陘我師敗績邾人獲公冑縣諸魚門記稱邾婁復之以矢蓋自戰于升陘始也魯既敗績邾亦幾亡輕用師徒害及兩國亦異於誅暴禁亂之兵矣故諱不言公而書及內以諱為貶 冬十有

一月己巳朔宋公及楚人戰于泓宋師敗績

宋公親將故書爵楚

人將卑師少也。泓水名。杜氏曰：宋地。書及書敗責宋辭也。左氏傳：楚人伐宋以救鄭。宋公將戰，大司馬固諫曰：天之棄商久矣，君將興之，不可赦也。已弗聽。冬十一月，宋公及楚人戰于泓。宋人既成列，楚人未既濟。司馬曰：彼衆我寡，及其未既濟也，請擊之。公曰：不可。既濟而後擊之。宋師敗績，公未成列，又以告公。曰：未可。既陳而後擊之。宋師敗績，公傷股，門官殲焉。國人皆咎公。公曰：君子不重傷，不禽二毛。古之爲軍也，不以阻隘寡人。雖亡國之餘，不鼓不成列。子魚曰：君未知戰，勅敵之人，隘而不列，天贊我也。阻而鼓之，不亦可乎？猶有懼焉。且今之勅者，皆吾敵也。雖及胡考，獲則取之，何有於二毛？明耻教戰，求殺敵也。傷未及死，如何？勿重若愛重傷，則如勿傷。愛其二毛，則如服焉。三軍以利用也。金鼓以聲氣也。利而用之，阻隘可也。聲威致志，鼓儆可也。公羊傳：偏戰者，日爾比其言朔何春秋辭繁而不殺者，正也。何正爾？宋公與楚人期戰于泓之陽。楚人濟泓而來，有司復曰：請迨其未畢濟。

而擊之宋公曰不可吾聞之也君子不厄人吾雖畏國之餘寡人不忍行也既濟未畢陳有司復曰請迨其未畢陳而擊之宋公曰不可吾聞之也君子不鼓不成列已陳然後襄公鼓之宋師大敗故君子大其不鼓不成列臨大事而不忘大禮有君而無臣以為雖文王之戰亦不過此也穀梁傳曰事遇朔曰朔春秋三十有四戰未有以尊敗乎卑以師敗乎人者也以尊敗乎卑以師敗乎人則驕其敵襄公以師敗乎人而不驕其敵何也責之也泓之戰以為復雩之耻也雩之耻宋襄公有以自取之也伐齊之喪執滕子圍曹為雩之會不顧其力之不足而致楚成王成王怒而執之故曰禮人而不答則反其敬愛人而不親則反其仁治人而不治則反其知過而不改又之是謂之過襄公之謂也古者被甲嬰胄非以興國也則以征無道也豈曰以報其耻哉宋公與楚人戰于泓水之上司馬子反曰楚衆我少鼓險而擊之勝無幸焉襄公曰君子不推人危不攻人厄湏其

出旣出旌亂於上陳亂於下子反曰楚衆我少擊之勝無幸焉襄公曰不鼓不成列湏其成列而後擊之則衆敗而身傷焉七月而死倍則攻敵則戰少則守人之所以爲人者言也人而不能言何以爲人言之所以爲言者信也言而不信何以爲言信之所以爲信者道也信而不道何以爲道道之貴者時其行勢也胡氏傳泓之戰宋襄公不阨人於險不鼓不列先儒以爲至仁大義雖文王之戰不能過也而春秋不與何哉物有本末事有終始順事恕施者王政之本也襄公伐齊之喪奉少奪長使齊人有殺無虧之惡有敗績之傷此晉獻公之所以亂其國者罪一也桓公存三亡國以屬諸侯義士猶曰薄德而一會虐二國之君罪二也曹人不服盍姑省德無闕然後動而興師圍之罪三也凡此三者不仁非義襄公敢行而獨愛重傷與二毛亦何異盜跖之以分均出後爲仁義陳仲子以避兄離母居於陵爲廉乎夫計未遺本飾小名妨大德者春秋之所惡也故



詞繁而不殺而宋襄  
公書及以深貶之

甲申二十有三年春齊侯伐宋圍緡緡杜氏曰宋地今濟寧路齊州金鄉縣

左氏傳以討其不與齊也公羊傳邑不言圍邑此其言圍何

也不正其以惡報惡也胡氏傳齊伯國之餘業也宋

襄公既敗于泓荆楚之勢益張矣齊侯既無尊中國懷

夷狄恤患災畏藺書之意又乘其約而伐之此尤義之

所不得為者也故書伐國而言圍邑以著其罪然則桓

公伐鄭圍新城何以不為貶乎鄭與楚合惡陵中國桓

公伐之除惡黨也宋與楚戰兵敗身傷齊侯伐之殘中

夏也其事異矣夏五月庚寅宋公茲父卒襄公名茲父子善立是為

秋楚人伐陳左氏傳楚成得臣帥師伐陳討其貳於宋也遂取焦城頓而還子文以為之功

使為令尹叔伯曰子若國何對曰吾以靖國冬十有一也夫有大功而無貴仕其人能靖者與有幾

月杞子卒

杞本公爵又改伯又改稱為子以國弱而自改也諸家謂從夷而降之臆說也陳蔡鄭嘗

從楚矣未嘗降之則知自改明矣朱子曰杞初稱伯已而稱子蓋其土地極小賦不多故寧甘心乃目為子男

之國而其朝覲貢賦率以子男之禮從事聖人因其實而書之非貶也左氏傳杞成公卒書曰子杞夷也不

書名未同盟也凡諸侯同盟死則赴以名禮也赴以名則亦書之不然則否辟不敏也胡氏傳案左氏杞成

公卒書曰子杞夷也杜預以為杞實稱伯而書曰子者成公始行夷禮終其身故仲尼於其卒以文貶之此說

是也或曰信斯言是春秋黜陟諸侯爵次以見褒貶不亂名實子曰春秋天子之事也而尤謹於華狄之辯中

國之所以為中國以禮義也一失則為夷狄再失則為禽獸人類滅矣魯桓墓弑滕首朝之貶而稱子治其黨

也內外宜辨成公變之  
貶而稱子存諸夏也

乙酉二十有四年春王正月夏狄伐鄭

左氏傳取鄭王德狄人將以其女為

后富辰諫曰不可臣聞之曰報者倦矣施者未厭狄固貪惓王又啟之女德無極婦怨無終狄必為患王又弗

聽

秋七月 冬天王出居于鄭

因王子帶之亂也天子以四海為家而書出居

于鄭何也於此見襄王守匹夫之愛至於播遷也左氏傳昭公有寵於惠后惠后欲立之未及而卒昭公

奔齊王復之又通於隗氏王替隗氏頽叔桃子曰我實使狄狄其怨我遂奉太叔以狄師攻王王御士將禦之

王曰先后其謂我何寧使諸侯圖之王遂出及坎飲國人納之秋頽叔桃子奉太叔以狄師伐周大敗周師獲

周公忌父原伯毛伯富辰王出適鄭處于汜太叔以隗氏居于溫冬王使來告難曰不穀不德得罪於母弟之

寵子帶鄙在鄭地汎敢告叔父臧文仲對曰天子蒙塵于外敢不奔問官守王使簡師父告于晉使左鄆父告于陳天子無出書曰天王出居于鄭辟母弟之難也天子凶服降名禮也鄭伯與孔將鉏石甲父侯宣多者視官具于汎而後聽其私政禮也公羊傳王者無外此其言出何不能乎母也魯子曰是王也不能乎母者其此之謂歟教梁傳天子無出出失天下也居者居其所也雖失天下莫敢有也胡氏傳案左氏鄭人入滑王謂滑請鄭不聽命王怒使顏叔出狄師伐鄭而德狄人立其女隗氏為后富辰諫不聽太叔帶通於隗氏王絀狄女顏叔懼狄之怨已遂奉叔帶以狄師攻王王適鄭處于汎自周無出特書曰出者言其自取之也夫鄭伯不王國有罪矣襄王不知自反念其制命之未順也思小怨睚眦親以杆外侮而棄德崇奸遂出狄師是以疎間親如木之植拔其本也不亦俱乎王者以天下為家京師為室而四方歸往猶天之無不覆也東周降于

列國既不能家天下矣又毀其室而不保則是寄生之君爾貶而書出以為後戒唐資矣厥之兵以伐隋而世有邊陲之禍晉藉契丹之力以取唐而卒有播遷之辱許翰以為不講於春秋戒襄王之所以出其言信矣而內外之辯可不謹夫居者宅其所有之稱出而曰居者若曰普天之下莫非王土撥亂反正存天理之意也

晉侯夷吾卒

不日缺文也惠公名夷吾子圉立是為懷公秦穆公納獻公子重耳立是為文公不

書不來告故也

丙戌二十有五年春王正月丙午衛侯燬滅邢

趙先生曰四傳皆謂

滅同姓故名然晉滅虞亦同姓也而不名何怒於晉而嚴於衛也或曰天王出居于外而不能救今而又滅同姓其惡甚矣故名之此論為優左氏傳衛人將伐邢禮至曰不得其守國不可得也我請昆弟仕焉乃往得

仕衛人伐邢二禮從國子巡城掖以赴外殺之正月丙午衛侯燬滅邢同姓也故名禮至為銘曰余掖殺國子莫余敢止公羊傳衛侯燬何以名絕曷為絕之滅同姓也穀梁傳燬之名何也不正其伐本而滅同姓也胡氏傳衛侯何以名滅同姓也春秋之法諸侯不生而書名示王法不容誅也聖人與天地合德滅人邦國而絕其祀同姓與異姓奚別焉而或名或否何也正道理一而分殊異端二本而無分分殊之弊私勝而失仁無分之罪兼愛而失義春秋之法由仁義行而人道立者也可以無差等乎然則晉滅虞楚滅夔亦同姓也曷為不名曰諸侯滅同姓則名其常也有名有不名例之變也邢雖與狄伐衛而經無譏文者為能救齊也衛人曾不反思而遷怒於邢又遣禮至昆弟往仕焉誘其守而殺之于外與虞公貪璧馬以易鄰國及其身者其情異矣春秋原情定罪而衛燬獨名蓋輕重之權衡也若

荆楚則僭號稱王聖人比  
諸夷狄於滅夔乎何誅  
夏四月癸酉衛侯燬卒

衛文公名

燬子鄭立  
是為成公  
宋蕩伯姬來逆婦

公羊傳宋蕩伯姬者何蕩氏之母也其言來逆婦何

兄弟辭也其稱婦何有姑之辭也  
逆婦婦人既嫁不踰境宋蕩伯姬來逆婦非正也其曰

婦何也緣姑言之之辭也  
蕩氏其往嫁不見於經者國君不與大夫敵也今來逆

婦而史策書之見公失禮下主大夫之婚  
是慢宗廟卑朝廷姑自逆婦其失明矣  
宋殺其大夫

孫氏曰稱國以殺不以其罪也不稱名氏闕文也與莊  
二十六年曹殺其大夫同而穀梁曰為祖諱名誤矣

公羊傳何以不名宋三世無大夫三世內娶也  
穀梁傳其不稱名姓以其在祖之位尊之也  
秋楚人

圍陳納頓子于頓  
頓楚與國也姬姓子爵國在今汴梁路陳州商水縣左氏傳楚令尹子

王追秦師弗及遂圍陳納頓子于頓公羊傳何以不言遂兩之也穀梁傳納者內弗受也圓一事也納一

事也而遂言之蓋納頓子者陳也胡氏傳圓陳納頓子也納云者不與納也諸侯失國諸侯納之正也何以不

與乎陳先代之後不能以禮安靖鄰國保恤寡小中國諸侯又不能修方伯連帥之職而使楚人納之是夷狄

仗義以正諸夏也故書曰楚人圍陳納頓子葬衛文公于頓其責中國深矣此亦正本自治之意也

冬十有二月癸亥公會衛子莒慶盟于洮衛子成公也

例稱子慶莒再命大夫名左氏傳衛人平莒于我十二月盟于洮修衛文公之好且及莒平也穀梁傳莒

無大夫其曰莒慶何也以公之會目之也

丁亥二十有六年春王正月己未公會莒子衛甯速盟于



向甯氏連名衛三命大夫向杜氏曰莒地左氏傳公會莒茲平公甯莊子盟于向尋洮之盟也穀梁傳

公不會大夫其曰甯速何也齊人侵我西鄙公追齊師以其隨莒子可以言會也

至鄆不及

左氏曰追者寇已去而躋之也與書公追我于濟西義同趙氏曰直書以譏之無戎備爾

曰侈者非也左氏傳齊師侵我西鄙討是二盟也公羊傳其言至焉弗及何侈也穀梁傳人微者也侵

淺事也公之追之非正也至焉急辭也弗及者弗與也可以及而不敢及也其侵也曰人其追也曰師以公之

弗及大之也弗及內辭也胡氏傳書人書侵書師罪齊也書追書至鄆弗及罪魯也潛師入境曰侵少則稱

人衆則稱師前書齊人是見其弱以誘魯也後書齊師是伏其衆以邀魯也其為緩明矣凡書追者在境內則

譏其不預追戎于濟西是也在境外則譏其深入追齊師至鄆是也鄆者齊地至者言遠也弗者遷辭也有畏

而弗敢及之也齊魯皆私憤之兵而非正也故交競之

夏齊人伐我北鄙

左氏傳夏齊孝

公伐我北鄙

衛人伐齊

左氏傳衛人伐齊洮之盟故也公使展喜犒師使受命于展禽齊侯未入

境展喜從之曰寡君聞君親舉玉趾將辱于敝邑使下臣犒執事齊侯曰魯人恐乎對曰小人恐矣君子則否

齊侯曰室如懸罄野無青草何恃而不恐對曰恃先王之命昔周公太公股肱周室夾輔成王成王勞之而賜

之盟曰世世子孫無相害也載在盟府太師職之桓公是以糾合諸侯而謀其不協彌縫其闕而匡救其災昭

舊職也及君即位諸侯之望曰其率桓之功我敕邑用不敢保聚曰豈其嗣世九年而棄命廢職其若先君何

君必不然恃此以不恐齊侯乃還

公子遂如楚乞師

仲遂也乞師卑辭以請之義趙氏曰

天子在上諸侯自相請師非道也

左氏傳東門襄仲臧文仲如楚乞師臧孫見子玉而道之伐齊宋以其不

臣也公羊傳乞者何卑辭也曷為以外內同若辭重師也曷為重師師出不正反戰不正勝也穀梁傳乞重辭也何重焉重人之死也非所乞也師出不必反戰不必勝故重之也胡氏傳衛人報德以怨伐齊之喪助少陵長又遷怒於邢而滅其國不義甚矣公既與其君盟于泚又與其臣盟于向是黨衛也故齊人既侵其西又伐其北齊師固亦非義矣而僖公不能省德自反深思遠慮計安社稷乃乞楚師與齊為敵是以蠻荆殘中國也於義可乎其書公子  
**秋楚人滅夔以夔子歸**  
遂如楚乞師而惡自見矣  
姓子爵國在今辰州路歸州稱歸縣書以歸責夔子不死社稷也左氏傳夔子不祀祝融與鬻熊楚人讓之  
對曰我先王熊摯有疾鬼神弗赦而自竄于夔吾是以失楚又何祀焉春秋楚成得臣闢宜申帥師滅夔以夔子歸穀梁傳夔國也不曰微國也以歸猶愈乎執也  
胡氏傳春秋滅國以其君歸無有不名者而夔何以獨

不名案左氏夔子不祀祝融與鬻熊楚人讓之對曰我先君熊摯有疾鬼神弗赦自鬻于夔以是失楚又何祀焉諸侯之祀無過其祖者而夔祖熊摯是不得祀祝融與鬻熊也而楚反以是滅之非其罪矣故特存其爵而不名也然則楚滅同姓何以不名

冬楚人伐宋圍緡

左氏

傳冬楚令尹子玉司馬子西帥師伐宋圍緡邑不言圍此其言圍何刺道用師也穀梁傳冬楚人伐宋圍緡伐國不言圍邑此其言圍何也以吾用其師目其事也非道用師也公以楚師伐齊

取穀公至自伐齊

以用也公用楚師伐齊報其侵伐也左氏傳公以楚師伐齊取穀凡師

能左右之曰以真桓公子雍於穀易牙奉之以為魯援楚申公叔侯伐之桓公之子七人為七大夫於楚公羊傳公以楚師伐齊取穀公至自伐齊此已取穀矣何以致伐未得乎取穀也昌為未得乎取穀曰患之起必

自此始也穀梁傳以者不以者也民者君之本也使民以其死非其正也公至自伐齊惡事不致此其致之何也危之也胡氏傳楚彊魯弱而能用其師進退在已故特書曰以以者不以者也夫背華即夷取人之邑為已有失正甚矣患之起必自此始其致危之也

戊子二十有七年春杞子來朝

左氏傳杞桓公來朝用夷禮故曰子公卑杞杞不共

也夏六月庚寅齊侯昭卒秋八月乙未葬齊孝公

孝公名昭

弟湣立是為昭公三月葬速簡也以爭立故也左氏傳有齊怨不廢喪紀禮也

乙巳公子遂

帥師入杞

杞方來朝而遽興師入之魯之罪也

冬楚人陳侯蔡侯鄭伯許

男圍宋

楚人將卑師少也陳蔡鄭許君親將故書爵楚主兵故先序諸家謂楚子貶稱人誤也案左氏

曰楚子使申叔去穀子玉去宋曰無從晉師則知楚人乃子玉也非楚子明矣左氏傳楚子將圍宋使子文

治兵於睢終朝而畢不戮一人子玉復治兵於蔿終日而畢鞭七人貫三人耳國老皆賀子文子文飲之酒蔿賈尚幼後至不賀子文問之對曰不知所賀子之傳政於子玉曰以靖國也靖諸內而敗諸外所獲幾何子玉之敗子之舉也舉以敗國將何賀焉子玉剛而無禮不可以治民過三百乘其不能以入矣苟入而賀何後之有公羊傳此楚子也其稱人何貶曷為貶為執宋公貶故終僖之篇貶之也穀梁傳楚人者楚子也其曰人何也人楚子所以人諸侯也其人諸侯何也不正其信夷狄而伐中國也諸

公會諸侯盟于宋

諸侯即圍宋之諸侯也盟于宋是宋與諸國平也胡氏傳楚稱人貶也

宋公先代之後作賓王家非有篡弑之惡楚人無故擣諸侯以圍之何名也故黜而稱人以著其罪諸侯信夷

狄伐中國獨無貶乎人楚子所以人諸侯也公與楚結好故往會盟其地以宋者宋方見國無嫌於與盟而公之罪亦

著矣

己丑二十有八年春晉侯侵曹晉侯伐衛

兩書晉侯據來告之辭也若止

書晉侯侵曹伐衛則豈知曹來告乎衛來告乎必彊為之說曰因假道譏報怨鑿矣左氏傳晉侯將伐曹假

道于衛衛人弗許還自南河濟侵曹伐衛正月戊申取五鹿二月晉卻穀卒原軫將中軍胥臣佐下軍上德也

晉侯齊侯盟于欽孟衛侯請盟晉人弗許衛侯欲與楚國人不欲故出其君以說于晉衛侯出居于襄牛公

羊傳昌為再言晉侯非兩之也然則何以不言遂未侵曹也未侵曹則其言侵曹何致其意也其意侵曹則曷

為伐衛晉侯將侵曹假途于衛衛曰不可得則固將伐之也穀梁傳再稱晉侯忌也胡氏傳案左氏初公

子重耳之出亡也曹衛皆不禮焉至是侵曹伐衛再稱  
晉侯者譏復怨也春秋之時用兵者非懷私復怨則利  
人土地爾詩云百爾君子不知德行不忮不求何用不  
臧不忮則能懲怨不求則能窒慾然後貪憤之兵亡矣  
或曰曹衛背華即夷於是乎致武災為不可曰楚人樓  
諸侯以圍宋陳蔡鄭舉兵而同會魯公與會而同盟楚  
雖得曹新昏於衛然其君不在會其師不與圍以方諸  
國不猶愈乎又况衛已請盟而晉人弗之許也書曰必  
有忍其乃有濟有容德乃大文公能忍於奄豎里鳧須  
矣何獨不能忍於曹衛乎再稱晉侯者甚之也下書楚  
人救衛則譏晉深矣春秋責備賢者而樂與人改過責  
備賢者故再稱晉侯樂與人改過故衛已請盟不當拒  
而絕之也

公子買戍衛不卒戍刺之楚人救衛

魯公子名買內殺公子例

書刺

殺子叢

左氏傳公子買戍衛楚人救衛

不克公懼於晉公羊傳不卒戍



者何不卒戍者內辭也不可使往也不可使往則其言  
戍衛何遂公意也刺之者何殺之也殺之則曷為謂之  
刺之內諱殺大夫謂之刺之也穀梁傳先名後刺殺  
有罪也公子啟曰不卒戍者可以卒也可以卒而不卒  
譏在公子也刺之可也胡氏傳案左氏買為楚戍衛  
楚人救衛不克公懼於晉殺買以說焉謂楚人曰不卒  
戍也內殺大夫稱刺者若曰刺審其情與衆棄之而專  
殺之罪則一耳周官有三刺一刺曰訊羣臣再刺曰訊  
羣吏三刺曰訊萬民刺未有書其故者而以不卒戍刺  
之則知買為無罪矣孟子曰無罪而殺士則大夫可以  
去無罪而戮民則士可以徙今乃殺無罪之士將以三  
苟說於疆國於是乎不君矣故特書其故以貶之也三  
月丙午晉侯入曹執曹伯畀宗人伯討之執而歸之京  
師宜也今乃執曹伯以畀宗人謂之伯討可乎譎而不  
正之稱蓋有以也左氏傳晉侯圍曹門馬多死曹人

尸諸城上晉侯患之聽輿人之謀曰稱舍於墓師遷焉  
曹人兇懼為其所得者棺而出之因其兇也而攻之三  
月丙午入曹數之以其不用僖負羈而乘軒者三百人  
也且曰獻狀令無入僖負羈之宮而免其族報施也魏  
犇顛頡怒曰勞之不圖報於何有蔡僖負羈氏魏犇傷  
於胃公欲殺之而愛其材使問且視之病將殺之魏犇  
束胃見使者曰以君之重不有寧也距躍三百曲踊三  
百乃舍之殺顛頡以徇于師立舟之橋以為戎右宋人  
使門尹般如晉師告急公曰宋人告急舍之則絕告楚  
不許我欲戰矣齊秦未可若之何先軫曰使宋舍我而  
賂齊秦藉之告楚我執曹君而分曹衛之田以賜宋人  
楚愛曹衛必不許也喜賂怒頑能無戰乎公說執曹伯  
分曹衛之田以畀宋人公羊傳畀者何與也其言畀  
宋人何與使聽之也曹伯之罪何甚惡也其甚惡奈何  
不可以一罪言也穀梁傳入者內弗受也日入惡入  
者也以晉侯而斥執曹伯惡晉侯也畀與也其曰人何

也不以晉侯畀宋公也胡氏傳古者覲文匪武修其訓典序成而不至於是乎有攻伐之兵故孟子謂萬章曰子以為有王者作將比今之諸侯而誅之乎其教之不改而後誅之乎曹伯嬴者未狎晉政莫知所承晉文不修詞令遽入其國既執其君又分其田暴矣欲致楚師與之戰而以曹伯畀宋人誦矣雖一戰勝楚遂主夏盟舉動不中於禮亦多矣徒亂人上下之分無君臣之禮其功雖高道不足尚也故曰五伯者三王之罪人仲尼之徒無道桓文之事者夏四月己巳晉侯齊師宋師秦師及楚人

戰于城濮楚師敗績

晉主兵君親將故書爵諸國稱師將卑師衆也城濮杜氏曰衛地今

東昌路濮州朱子曰文公伐衛以致楚陰謀以取勝其誦甚矣故聖人以誦而不正譏之左氏傳楚子入居

于申使申叔去穀使子玉去宋曰無從晉師晉侯在外十九年矣而果得晉國陰阻艱難備嘗之矣民之情偽

盡知之矣天假之年而除其害天之所置其可廢乎軍志曰允當則歸又曰知難而退又曰有德不可敵此三志者晉之謂矣子玉使伯楚請戰曰非敢必有功也願以間執譏慝之口王怒少與之師唯西廣東宮與若敖之六卒實從之子玉使宛春告于晉師曰請復衛侯而封曹臣亦釋宋之圍子犯曰子玉無禮哉君取一臣取二不可失矣先軫曰子與之定人之謂禮楚一言而定三國我一言而亡之我則無禮何以戰乎不許楚言是棄宋也救而棄之謂諸侯何楚有三施我有三怨怨讎已多將何以戰不如私許復曹衛以攜之執宛春以怒楚既戰而後圖之公說乃拘宛春於衛且私許復曹衛曹衛告絕於楚子玉怒從晉師晉師退軍吏曰以君辟臣辱也且楚師老矣何故退子犯曰師直為壯曲為老豈在久乎微楚之惠不及此退三舍辟之所以報也背惠食言以亢其讎我曲楚直其衆素飽不可謂老我退而楚還我將何求若其不還君退臣犯曲在彼矣退三

舍楚衆欲止子玉不可夏四月戊辰晉侯宋公齊國歸父崔天秦小子憖次于城濮楚師背鄢而舍晉侯患之聽輿人之誦曰原田每每舍其舊而新是謀公疑焉子犯曰戰也戰而捷必得諸侯若其不捷表裏山河必無害也公曰若楚惠何欒賁子曰漢陽諸姬楚實盡之思小惠而忘大恥不如戰也晉侯夢與楚子搏楚子伏已而盥其腦是以懼子犯曰吉我得天楚伏其罪吾且柔之矣子玉使鬬勃請戰曰請與君之士戲君憑軾而觀之得臣與寓目焉晉侯使欒枝對曰寡君聞命矣楚君之惠未之敢忘是以此為大夫退其敗當君乎既不獲命矣敢煩大夫謂二三子戒爾車乘敬湔君事詰朝將見晉車七百乘韞鞬鞞鞞晉侯登有莘之虛以觀師曰少長有禮其可用也遂伐其木以益其兵已巳晉師陳于莘北胥臣以下軍之左當陳蔡子玉以若敖之六卒將中軍曰今日必無晉矣子西將左子上將右胥臣蒙馬以虎皮先犯陳蔡陳蔡奔楚右師潰狐毛設二旆

而退之樂枝使與曳柴而偽遁楚師馳之原軫卻濟以  
中軍公族橫擊之狐毛狐偃以上軍夾攻子西楚左師  
潰楚師敗績子玉收其卒而止故不敗晉師三日館穀  
及癸酉而還公羊傳此大戰也曷為使微者子玉得  
臣也子玉得臣則其稱人何貶曷為貶大夫不敵君也  
胡氏傳楚稱人貶也戰而言及主乎是戰者也當此  
時晉師避楚三舍請戰者得臣也而經之書及何以在  
晉得臣雖從晉師然初告於晉曰請復衛侯而封曹臣  
亦釋宋之圍是未有必戰之意也又先軫獻謀許曹衛  
以携其黨拘宛春以激其怒而後得臣之意決矣故楚  
雖請戰而反在晉侯誅其意也荆楚恃彊憑陵諸夏滅  
黃而霸主不能恤敗徐于婁林而諸大夫不能救執中  
國盟主而在會者不敢與之爭今又戍穀逼齊合兵圍  
宋戰勝中國威動天下非有城濮之役則民其被髮左  
衽矣宜有美詞稱揚其績而春秋所書如此其略何也  
仁人明其道不計其功正其義不謀其利文公一戰勝

楚遂主夏盟以功利言則高矣語道義則三王之罪人也知此說則曾西不為管仲而仲尼孟子雖老于行而不悔其**楚殺其大夫得臣**得臣楚再命大夫即子玉也有以夫

弁玉纓未之服也先戰夢河神謂已曰畀余余賜女孟諸之麋弗致也大心與子西使榮黃諫勿聽榮季曰死而列國猶或為之况瓊玉乎是糞土也而可以濟師將何愛焉勿聽出告二子曰非神敗令尹令尹其不勤民實自敗也既敗王使謂之曰大夫若入其若申息之老何子西孫伯曰得臣將死二臣止之曰君其將以為戮及連穀而死晉侯聞之而後喜可知也曰莫余毒也已為呂臣實為令尹奉已而已不在民矣胡氏傳案左氏晉師既克曹衛楚子入居于申使申叔去穀使子玉去宋曰晉侯在外十九年而果得晉國險阻艱難備嘗之矣民之情偽盡知之矣天假之年而除其害其可廢乎子玉使伯楚請戰楚子怒少與之師唯西廣東宮與

若教之六卒實從之而不止也子玉從晉師文公退三舍避之楚衆欲止子玉不可戰于城濮楚師敗績夫得臣信有罪矣而楚子知其不可敵不能使之勿敵而少與之師又以一敗殺之是以師為重而棄其將以與之也是晉再克而楚再敗也故稱國以殺而不去其官以仲尼書鄭棄其師與楚殺得臣之事觀之可為來世之永鑒

衛侯出奔楚

胡氏傳諸侯失國出奔未有不名者衛侯何以不名著文公之罪也衛侯

失守社稷背華即夷於文公何罪乎衛之禍文公為之也初齊晉盟于欽孟衛侯請盟晉人不許是塞其向善之心雖欲自新改轍而其道無由也高帝一封雍齒而功臣不競世祖燬棄文書而反側恣安使文公釋怨許衛結盟南向諸侯棄楚而歸晉矣忽不思難惟怨是圖必使衛侯竄身無所奔于蠻荆歸于京師兄弟相殘君臣交訟誰之咎也夫心不外者乃能統大衆智不鑿者乃能處大事文公欲主夏盟取威定伯而舉動煩擾若



不勝任者惟鑿智自私而心不廣也春秋於衛侯失國出奔不以其罪名之而重文公之咎蓋端本議刑責備賢者之意也五月癸丑公會晉侯齊侯宋公蔡侯鄭伯衛子

莒子盟于踐土

晉文公主盟故不書同衛子叔武也立踰年之君例書子盟謀納王也襄王自

二十四年出居于鄭于今五年故晉文謀納之踐土杜氏曰鄭地左氏傳五月丙午晉侯及鄭伯盟于衡雍丁未獻楚俘於王駟介百乘徒兵千鄭伯傳王用平禮也已酉王享醴命晉侯宿王命尹氏及王子虎內史叔興父策命晉侯為侯伯賜之大輅之服我輅之服彤弓一彤矢百旅弓矢千秬鬯一卣虎賁三百人曰王謂叔父敬服王命以綏四國糾逖王慝晉侯三辭從命曰重耳敢再拜稽首奉揚天子之丕顯休命受策以出出入三覲衛侯聞楚師敗懼出奔楚遂通陳使元咺奉叔武以受盟癸亥王子虎盟諸侯于王庭要言曰皆獎王室

無相害也。有淪此盟，明神殛之。俾隊其師，無克祚國。及而玄孫，無有老幼。君子謂是盟也，信。謂晉於是役也能以德攻。穀梁傳：諱會，天王也。胡氏傳：踐土之會，天王下勞，晉侯削而不書，何也？周室東遷，所存者號與祭，廟其實不及一小國之諸侯。晉文之爵雖曰侯伯，而號令天下幾於改物，實行天子之事。此春秋之名實也。與其名存實亡，猶愈於名實俱亡。是故天王下勞，晉侯于踐土，則削而不書，去其實以全名。所謂君道也。父道也。晉侯以臣召君，則書天王狩于河陽，正其名以統實。所謂臣道也。子道也。而天下之大倫尚存，而不滅矣。衛侯奔楚，不書名者，未絕其位也。叔武受盟而稱衛子者，立以為君也。此見聖人深罪晉文報怨行私專權，自恣廢置諸侯。陳侯如會。陳侯後會而至不及盟，故書如會。公羊傳：其言如會，何後會也？穀梁傳：如之意。公朝于王所。公羊傳：昌為不言公如京師於會受命也。天子在是也。天子在是則昌

為不言天子在是不與致天子也穀梁傳朝不言所言所者非其所也胡氏傳朝不言所言所非其所也朝

於廟禮也於外非禮也有虞氏五載一巡守羣后四朝周制十有二年王乃時巡諸侯各朝于方嶽亦何必于京師于廟然後為禮乎古者天子巡狩于四方有常時諸侯朝于方嶽有常所其宮室道塗可以預修故民不勞其共給調度可以預備故國不費今天王下勞晉侯公朝于王所則非其時與地矣自秦而後巡游無度至有長吏以倉卒不辨被誅民庶以煩勞不給生厭蓋春秋之義不行故也然則天子在是其可以不朝乎天子在是而諸侯就朝禮之變也春秋不以諸侯就朝為非而以王所非其所為貶正其本之意也

侯鄭自楚復歸于衛

楚納之也

左氏傳六月晉人復衛侯甯武子與衛人盟于宛濮曰

天禍衛國君臣不協以及此憂也今天誘其衷使皆降心以相從也不有居者誰守社稷不有行者誰扞牧圉

不協之故用昭乞盟于爾大神以誘天衷自今日以往  
既盟之後行者無保其力居者無懼其罪有渝此盟以  
相及也明神先君是糾是殛國人聞此盟也而後不貳  
衛侯先期入甯子先長祥守門以為使也與之乘而入  
公子歆犬華仲前驅叔武將沐聞君至喜捉髮走出前  
驅射而殺之公知其無罪也枕之股而哭之歆犬走出  
公使殺之穀梁傳自楚楚有奉焉爾復者衛元咺出  
復中國也歸者歸其所也鄭之名失國也

奔晉

元咺衛大夫也衛侯入故出奔

胡氏傳衛侯失

者衛侯之弟也晉文公有憾于衛侯而不釋怨於是逐  
衛侯立叔武叔武辭立而他入立則恐衛侯之不得反  
也於是乎已立其位治反衛侯衛侯得反而疑其弟則  
曰叔武篡我元咺爭之曰叔武無罪衛侯不信其言終  
殺叔武是不念鞠子哀而以爭國為心亂民彝滅天理  
其為罪大矣此其所以名也元咺由是走之晉而訟其

君然衛侯初歸則稱復再歸何以不稱復乎春秋立法甚嚴而待人以恕鄭之初歸雖殺叔武既名之矣猶意其或出於誤而能草也是以稱復及其再歸又殺元咺及公子瑕則是終以爭國為心長惡不悛無自艾之意矣是以不稱復其曰歸于衛者易詞也諸侯嗣故稱復者繼之也不稱復者絕之也而國非其國矣陳侯款卒穆公名款子朔立是為共公不書葬不會也秋杞伯姬來來寧成風

也公子遂如齊聘也冬公會晉侯齊侯宋公蔡侯鄭

伯陳子莒子邾子秦人于溫晉文主會故先序陳子共公也未踰年故稱子會于

溫逐狄而納王也溫本畿內國為狄所滅今懷孟路並州溫縣左氏傳冬會于溫討不服也穀梁傳諱會

也天王天王狩于河陽天王周襄王也河陽衛地今懷孟路孟州河陽縣襄王居鄭於今五

年晉侯率諸侯奉王狩于河陽然後納于京師不書納王見諸侯之不即納也項氏曰考之於經天王避狄之難出居于鄭亦既五年諸侯未嘗救天王未嘗歸也晉文公因破楚之威聲振四海還過鄭土先會諸侯以朝天王然後導王北出諸侯前驅大駕徐渡不煩一矢而溫地之狄望風逃遁矣於是天王耀兵而行蒐狩之事諸侯解甲而講朝會之禮北方晏然王室無警諸侯復從王而南王入京師諸侯又南圍許以竟帖楚之事楚人畏威不敢復較明年春諸侯始罷兵就國蓋晉文公之經略中外見於春秋者其本末如此而三傳相承但以為召君以就其地而不思其自今年之春復自北而南夏自南而北冬復自北而南明年之春復自南而北始歸于晉一年之中四過成周矣讀經不詳之弊一至此乎左氏傳是會也晉侯召王以諸侯見且使王狩仲尼曰以臣召君不可以訓故書曰天王狩于河陽言非其地也且明德也公羊傳狩不書此何以書不與再

致天子也魯子曰溫近而踐土遠也穀梁傳全天王之行也為若將守而遇諸侯之朝也為天王諱也水止為陽山南為陽溫河陽也胡氏傳案左氏晉侯召王以諸侯見仲尼曰以臣召君不可以訓故書曰天王狩于河陽以尊周而全晉也啖助謂以常禮言之晉侯召君名義之罪人也其可訓乎若原其自嫌之心嘉其尊王之意則請王之狩忠亦至焉故夫子特書狩于河陽所謂原情為制以誠變禮者也夫踐土之會王實自往非晉罪也故為王諱之又為晉解之於以見春秋忠恕也順也故既為王諱之又為晉解之於以見春秋忠恕也

**壬申公朝于王所**  
趙氏曰案天子巡狩諸侯會朝于方

公羊傳其日何錄乎內也穀梁傳朝於廟禮也於外非禮也獨公朝與諸侯盡朝也其日以其再致天子故謹而日之主善以內目惡以外言曰公朝逆辭也而尊天子會于溫言小諸侯溫河北地以河陽言之大天

子也日繫於月月繫於辭士申公朝于王所其不晉侯月失其所繫也以爲晉文公之行事爲已僨矣

執衛侯歸之于京師

爲其殺叔武而執之也執曹伯以界宋人罪也執衛侯歸之京師正

也

左氏傳衛侯與元咺訟甯武子爲輔鍼莊子爲坐士縈爲大士衛侯不勝殺士縈則鍼莊子謂甯俞忠而

免之執衛侯歸之于京師寘諸深室甯子職納橐籥焉

公羊傳歸之于者何歸之于者何歸之于者罪已定矣

歸之于者罪未定也罪未定則何以得爲伯討歸之于者

執之于天子之側者也罪定不定已可知矣歸之于者非

執之于天子之側者也罪定不定未可知也衛侯之罪

何殺叔武也何以不書爲叔武諱也春秋爲賢者諱何

賢乎叔武讓國也其讓國奈何文公逐衛侯而立叔武

叔武辭立而他入立則恐衛侯之不得反也故於是已

立然後爲踐土之會治反衛侯衛侯得反曰叔武篡我

元咺爭之曰叔武無罪終殺叔武元咺走而出此晉侯



也其稱人何貶曷為貶衛之禍文公為之也文公為之奈何文公逐衛侯而立叔武使人兄弟相疑故乎殺母弟者文公為之也穀梁傳此入而執其不言入何也不外王命於衛也歸之于京師緩辭也斷在京師也

衛元咺自晉復歸于衛

于衛執衛侯歸之于京師納之也書復

歸見不當入也

公羊傳自者何有力焉者也此執其

君其言自何為叔武爭也穀梁傳自晉晉有奉馬爾

復者復中國也歸者歸其所也

胡氏傳其言歸之于

者執不以正之詞也古者君臣無獄諸侯不專殺為臣執君故衛侯不名而元咺稱復大夫不世其稱復絕之

也自晉者晉有奉馬因其力也歸者易詞以文公為之主故其歸無難而方伯之罪亦明

矣是以執而稱人不得為伯討也諸侯遂圍許曹伯襄

復歸于曹遂會諸侯圍許

諸侯會于溫之諸侯也許從楚故圍之以竟帖楚之事

左氏傳丁丑諸侯圍許晉侯有疾曹伯之豎侯孺貨莖  
史使曰以曹為解齊桓公為會而封異姓今君為會而  
滅同姓曹叔振鐸文之昭也先君唐叔武之穆也且合  
諸侯而滅兄弟非禮也與衛偕命而不與偕復非信也  
同罪異罰非刑也禮以行義信以守禮刑以正邪舍此  
三者君將若之何公說復曹伯遂合諸侯圍許晉侯作  
三行以禦狄荀林父將中行屠擊將右行先蔑將左行  
穀梁傳遂繼事也復者復中國也天子免之因與之  
會其曰復通王命也遂繼事也胡氏傳諸侯比再會  
天子再至皆朝于王所而許獨不會以其不臣也故諸  
侯圍許案古者巡狩諸侯各朝于方嶽今法天子行幸  
三百里內亦皆問起居許距河陽踐土近矣而可以不  
會乎其稱遂繼事之詞也曹伯襄何以名其歸之道非  
所以歸也晉侯有疾使其豎侯孺貨莖史曰以曹為解  
晉侯恐於是反曹伯夫以賂得國而春秋名之比於失  
地滅同姓之罪以此知聖人嚴於義利之別以正性命

之理其說行而天下  
定矣豈曰小補之哉

庚寅二十有九年春介葛廬來

介姓爵闕國在今歸德府邳州濰寧縣來來朝魯也

公至自圍許

始罷兵就國也

夏六月會王人晉人宋人齊人陳

人蔡人秦人盟于翟泉

翟泉杜氏曰洛城內池水今河南府東故洛城也內稱會微者

也王人下士也諸國書人亦微者也而諸家謂貶而稱人鑿說也王人豈亦貶乎盟非弋事而又迫王畿直書罪自見矣況以微者下士而為盟則其失尤可知貶書人之義愚所不取也

左氏傳夏公會王子虎晉狐偃

宋公孫固齊國歸父陳轅濤塗秦小子然盟于翟泉尋踐土之盟且謀伐鄭也卿不書罪之也在禮卿不會公

侯會伯子男可也偃宋公孫固齊國歸父陳轅濤塗秦小子然盟于翟泉

胡氏傳案左氏公會王子虎晉狐

則皆列國之貴大夫與王子而公與會也其貶而稱人諱不書公何也翟泉近在洛陽王城之內而王子虎於此下與列國盟是謂上替諸侯大夫入天子之境雖貴曰士而於此上盟王子虎是謂下陵而無君之心著矣故以為大惡諱公而不書諸國之卿貶稱人而王子亦與焉者此正其本之義也

秋大雨雹

雹

類也盛夏雨水陰陽之氣不和而有也朱子曰陽包陰則為雹左氏傳為災也胡氏傳正蒙曰凡陰陽凝

聚陽在內者不得出則奮擊而為雷霆陽在外者不得入則周旋不舍而為風和而散則為霜雪雨露不和而散則為戾氣瞠霾陰常散緩受交於陽則風雨調寒暑正雹者戾氣也陰脅陽臣侵君之象當是時僖公即位日久季氏世卿公子遂專

冬介葛廬來

左氏傳以未見公故復來朝禮

權政在大夫萌於此矣

之加燕好介葛廬聞牛鳴曰是生三犧皆用之矣其音云閔之而信

辛卯三十年春王正月夏狄侵齊

左氏傳晉人侵鄭以觀其可攻與否狄聞晉之

有鄭虞也夏狄侵齊胡氏傳左氏曰晉人伐鄭以觀其可攻與否狄聞晉之有鄭虞也遂侵齊詩不云乎戎

狄是膺荆舒是懲強暴侵陵所當攘斥晉文公若移圓鄭之師以伐之則方伯連帥之職修矣上書狄侵齊下

書圓鄭此直書其秋衛殺其大夫元咺及公子瑕

事而義自見也元咺出衛侯出而元咺入故衛侯先使殺之而後入也公子瑕衛侯公子元咺立之故併殺書及因元咺也左

氏傳衛侯使賂周欽治厓曰苟能納我吾使爾為卿周治殺元咺及子適子儀公入祀先君周治既服將命周

欽先入及門過疾而死治厓辭卿公羊傳衛侯未至其稱國以殺何道殺也殺梁傳稱國以殺罪累上也

以是為訟君也衛侯在外其以累上之辭言之何也待其殺而後入也公子瑕累也以尊及卑也胡氏傳元

咺訟君為惡君歸則已出君出則已歸無人臣之禮信有罪矣則稱國以殺而不去其官何也春秋之法躬自厚而薄責於人君子之道譬諸射失諸正鵠反求諸已衛侯之躬無乃有闕蓋亦省德而內自訟乎夫稱國以殺者君與大臣專殺之也衛侯在外其稱國以殺何也殺梁子曰待其殺而後入也待其殺而後入是志乎殺咺瑕者也兵莫惜於志鎮鄆為下衛侯未入稱國以殺此春秋誅意之效也然則大臣何與焉從君於惡而不能止故併罪之也公子瑕未聞有罪而殺之何也元咺立以為君故衛侯忌而殺之也然不與衛剽同者是瑕能拒咺辭其位而不立也不與陳佗同者是瑕能守節不為國人之所惡也故經以公子冠瑕而稱及見瑕無罪事起元咺以咺之故延及於瑕衛侯鄭歸于衛公羊而衛侯忌克專殺濫刑之惡著矣

殺其大夫其言歸何歸惡乎元咺也曷為歸惡乎元咺元咺之事君也君出則已入君入則已出以為不臣也

既歸國復有其土地矣何以反名之乎不名者責晉文公之以小怨妨大德名之者罪衛侯鄭之以伎害我本支古者天下為公選賢與能不以為異況於戚屬豈有疑間猜忌之心哉末世隆怨薄恩趨利棄義有國家者恐公族之軋已至網羅誅殺無以庇其本根而社稷傾覆如六朝者衆矣衛侯始歸而殺叔武再歸而及公子瑕是葛藟之不若而春秋之所惡也故再書其名為後世戒此義荀行則六  
**晉人秦人圍鄭**  
左氏傳九月甲午朝之君或亦少省矣  
其無禮於晉且貳於楚也晉軍函陵秦軍汎南佚之狐言於鄭伯曰國危矣若使燭之武見秦君師必退公從之辭曰臣之壯也猶不如人今老矣無能為也已公曰吾不能早用子今急而求子是寡人之過也然鄭亡子亦有不利焉許之夜縋而出見秦伯曰秦晉圍鄭鄭既知亡矣若亡鄭而有益於君敢以煩執事越國以鄙遠

君知其難也馬用亡鄭以倍鄰鄭之厚君之薄也若舍鄭以為東道主行李之往來共其乏困君亦無所害且君嘗為晉君賜矣許君焦瑕朝濟而夕設版焉君之所知也夫晉何厭之有既東封鄭又欲肆其西封若不闕秦將焉取之闕秦以利晉唯君圖之秦伯說與鄭人盟使杞子逢孫楊孫戍之乃還子犯請擊之公曰不可微夫人之力不及此因人之力而敝之不仁失其所與不知以亂易整不武吾其還也亦去之初鄭公子蘭出奔晉從於晉侯伐鄭請無與圍鄭許之使待命于東鄭石甲父侯宣多逆以為太子以求成于晉晉人許之胡氏傳案左氏傳晉侯秦伯圍鄭以其無禮於晉而經書晉人秦人者貶之也於秦晉何貶乎初晉公子重耳出亡過鄭而鄭文公亦不禮焉為是興師而圍鄭孟子曰有人於此待我以橫逆則君子必自反也我必不仁無禮與不忠歟仁且有禮而忠矣其橫逆猶是也此亦安人爾矣而君子蓋終不之校也故行有不得者皆反求



諸已而已矣今鄭伯之於晉公子時不能厚將迎贈送之禮而未嘗以橫逆加之也坐此見圍為列國者不亦難乎故晉侯秦伯貶稱人者晉文以私忿勤民動眾圍人之國秦伯惟利為向背從燭之武之言不以義舉也而二國結盟連兵暴介人侵蕭蕭姬姓宋附庸國在冬骨原野自此始矣

天王使宰周公來聘

孫氏曰禮雖有天子聘諸侯之義然不當使三公也左氏傳冬王

使周公閱來聘享有昌歜白黑形鹽辭曰國君文足昭也武可畏也則有備物之饗以象其德薦五味羞嘉穀鹽虎形以獻其功吾何以堪之

穀梁傳天子之宰通于四海

公子遂如京師遂如晉

如京師報周公之聘也遂如晉繼事也左氏傳東門襄仲將聘于周遂初聘于晉公羊傳大夫無遂事此

其言遂何公不得為政爾殺梁傅以尊遂乎卑此言不敢叛京師也胡氏傳大夫出疆有以二事出者有

以一事出而專繼事者其書皆曰遂公子遂如周及晉與祭公自魯逆王后皆所謂以二事出者也公子結往滕而及齊宋盟則專繼事者也是非得失則存乎其事實冢宰上燕三公其職任為至重而來聘於魯矣天王之禮意莫厚焉魯侯既不朝京師而使公子遂往又以二事出夷周室於列國此大不恭之罪履霜堅冰之漸春秋之所誅而不以聽者也則何以無貶乎有不待貶絕而罪惡見者不貶絕以見罪惡

壬辰三十有一年春取濟西田

濟西田本魯地嘗侵入於曹晉執曹伯而返諸侯之

侵地魯於是乎始取之也不由王命復不以義特書曰取若他國地然左氏傳分曹地也使臧文仲往宿於

重館重館人告曰晉新得諸侯必親其共不速行將及也從之分曹地自洮以南東傳于濟盡曹地也公

羊傳惡乎取之取之曹也曷為不言取之曹諱取同姓之田也此未有伐曹者則其言取之曹何晉侯執曹伯

班其所取侵地于諸侯也晉侯執曹伯班其所取侵地于諸侯則何諱乎取同姓之田久也胡氏傳公羊曰

取之曹也晉侯執曹伯班其所侵地于諸侯不繫國者吾故田也復吾故田而謂之取何也春秋之法不以亂

易公子遂如晉報濟西田也左氏傳夏四月四卜郊

不從乃免牲猶三望魯郊非禮因事而書既四卜郊不從而猶三望皆非禮也故書左

氏傳乃免牲非禮也猶三望亦非禮也禮不卜常祀而卜其牲曰牛卜日曰牲牲成而卜郊上怠慢也望郊之

細也不郊亦無望可也公羊傳曷為或言三卜或言四卜三卜禮也四卜非禮也三卜何以禮四卜何以非

禮求吉之道三禘嘗不卜郊何以卜卜郊非禮也卜郊何以非禮魯郊非禮也魯郊何以非禮天子祭天諸侯

祭土天子有方望之事無所不通諸侯山川有不在其封內者則不祭也曷為或言免牲或言免牛免牲禮也

免牛非禮也免牛何以非禮傷者曰牛三望者何望祭也然則曷祭祭泰山河海曷為祭泰山河海山川有能潤於百里者天子秩而祭之觸石而出膚寸而合不崇朝而徧雨乎天下者唯泰山爾河海潤于千里猶者何通可以已也何以書譏不郊而望祭也穀梁傳夏四不時也四卜非禮也免牲者為之緇衣熏裳有司玄端奉送至於南郊免牛亦然乃者亡乎人之辭也猶者可已已之辭也胡氏傳記禮者曰祭帝于郊所以定天位也禮行於郊而百神受職焉魯諸侯何以有郊成王以周公有大勲勞於天下命魯公世世祀周公以天子之禮樂是以魯君孟春乘大輅載弧韜旂十有二旒日月之章祀帝于郊配以稷以後稷天子之禮也以人臣而用天子之禮可乎是成王過賜而魯公怕禽受之非也楊子曰天子之制諸侯庸節節莫差於僭僭莫重於祭祭莫重於地地莫重於天諸侯而祀天其僭極矣聖人於春秋欲削而不存則無以志其失為後世戒悉書之乎

則歲事之常有不勝書者是故因禮之變而書于策或以卜或以時或以望或以牲或以牛於變之中又有變焉者悲書其事而謂言偃曰魯之郊禘非禮也周公其哀笑祀之郊也禹也宋之郊也契也是天子之事守也言祀宋夏商之後受命于周作賓王家統承先王修其禮物其得行郊祀而配以其祖非列國諸侯之比也是故天子祭天地諸侯祭社稷祝嘏莫敢易其常古易則亂分祀分人之道之大經拂矣故曰郊社之禮所以事上帝也宗廟之禮所以祀乎其先也明乎郊社之禮禘嘗之義治國其如指諸掌乎夫庶人之不得祭五祀大夫之不得祭社稷諸侯之不得祭天地非欲故為等哀蓋不易之定理也知其理之不可易則安於分守無欲僭之心矣為天下國家乎何有古者大事決於卜故洪範稽疑獨以龜為主卜而不從則不郊矣故免牲望祭也有虞氏受終而望因於類巡守而望因於柴皆天子之事也今魯不郊而望故特書曰猶猶者可以已之詞其

言三望何也天子有方望無所不通諸侯非名山大川在其封內者則不祭魯得用重禮視王室則殺故望止於三比諸侯則隆故河海雖不在其封而亦祭然非諸侯之所得為也

秋七月

冬杞伯

姬來求婦

公羊傳其言來求婦何兄弟辭也其稱婦何有姑之辭也穀梁傳婦人既嫁不踰境杞

伯姬來求婦非正也胡氏傳蕩伯姬來逆婦而書者以公自為之主失其班列書也杞伯姬敵矣其來求婦

昌為亦書見婦人之不可預國事也王后之詔命不施於天下夫人之教令不施於境中婚姻大事也杞獨無

君乎而夫人主之也故特書于策以為婦人亂政之戒母為子求婦猶曰不可況於他乎此義行無呂武之禍

矣秋圍衛十有二月衛遷于帝丘

帝丘在今東昌路濮州觀城縣程子曰古

者王道之行諸侯各安其邦豈至于遷乎邢衛皆以夷狄內侵國破而遷許以介於晉楚疆國之間遂至於四

遷蔡則迫楚故遷也胡氏傳帝丘東郡濮陽顯須之  
虛亦衛地也狄嘗迫逐黎侯黎侯寓于衛而衛不能修  
方伯連帥之職戎嘗伐凡伯于楚丘而衛不能救王臣  
之患其後遂為狄人所滅東徙渡河矣齊桓公救其亂  
封之而衛國忘亡今又為狄所圍其遷於帝丘避狄難  
也而中國衰微強暴侵陵衛侯不能自彊於政治晉文  
無邱與國安諸夏之功莫不見矣

癸巳三十有二年春王正月 夏四月己丑鄭伯捷卒文公

名捷子蘭立 是為穆公 衛人侵狄秋衛人及狄盟左氏傳夏狄有

請平焉秋衛人侵狄 狄秋請平焉衛人及狄盟其不地者盟於狄也再書衛

人而稱及者所以罪衛也盟會中國諸侯之禮哀世之事已非春秋之所貴况乎輕信忘患身即其地刑牲敵

血以要之哉

冬十有二月己卯晉侯重耳卒

晉文公名重耳子驪立是為襄

公牛卜

左氏傳冬晉文公卒將殯于曲沃出絳柩有聲如偃使大夫拜曰君命大事將有西師過軼我擊之

如

必大捷焉

胡氏傳案左氏載秦伯納晉文公及殺懷公于高梁其事甚詳而春秋不書者以為不告也徐邈

曰諸侯有朝聘之禮赴告之命所以敦交好通憂虞若隣國相望而情志否隔存亡禍福不以相闕則他國之

史無由得書魯政雖陵典刑猶在史策所錄不失常法其文足證仲尼修之事仍本史有可損而不能益也

甲午三十有三年春王二月秦人入滑

左氏傳杞子自鄭

使告于秦曰鄭人使我掌其北門之管若潛師以來國可得也穆公訪諸蹇叔蹇叔曰勞師以襲遠非所聞也

師勞力竭遠主備之無乃不可乎師知所為鄭必知之勤而無所必有悖心且行千里其誰不知公辭焉召孟



明西乞乙使出師於東門之外蹇叔哭之曰孟子吾見師之出而不見其入也公使謂之曰爾何知中壽爾墓之木拱矣蹇叔之子與師哭而送之曰晉人禦師必於穀穀有二陵焉其南陵夏后臯之墓也其北陵文王之所辟風雨也必死是間余收爾骨焉秦師遂東過周北門左右免胄而下超乘者三百乘王孫滿尚幼觀之言於王曰秦師輕而無禮必敗輕則寡謀無禮則脫險而脫又不能謀能無敗乎及滑鄭商人弦高將市於周遇之以乘韋先牛十二犒師曰寡君聞吾子將步師出於敝邑敢犒從者不腆敝邑為從者之淹居則具一日之積行則備一夕之衛且使遽告于鄭鄭穆公使視客館則束載厲兵秣馬矣使皇武子辭焉曰吾子淹久於敝邑唯是脯資餽牽竭矣為吾子之將行也鄭之有原圃猶秦之有具囿也吾子取其廩鹿以間敝邑若何杞子奔齊逢孫揚孫奔宋孟明曰鄭有備矣不可冀也攻之不克圍之不繼吾其還也滅滑而還穀梁傳滑

國也齊侯使國歸父來聘

國氏歸父字也列國四命之卿例書字左氏傳齊國莊子來

聘自郊勞至于贈賄禮成而加之以敏臧文仲言於公曰國子為政齊猶有禮君其朝焉臣聞之服於有禮社

稷之夏四月辛巳晉人及姜戎敗秦師于殽

殽在今河南府路陝

州靈寶縣姜戎姜姓之戎也地在晉西鄙程子曰晉不稱君居喪未葬不可從戎也忘親背惠其惡甚矣秦為

無道越晉踰周以襲人衆所共憤故書晉人稱及姜戎亦然左氏傳晉原軫曰秦違蹇叔而以貪勤民天奉

我也奉不可失敵不可縱縱敵患生違天不祥必伐秦師樂枝曰未報秦施而伐其師其為死君乎先軫曰秦

不良吾喪而伐吾同姓秦則無禮何施之為吾聞之一日縱敵數世之患也謀及子孫可謂死君乎遂發命遽

興姜戎子墨衰經梁弘御戎菜駒為右敗秦師于殽獲百里孟明視西乞術白乙丙以歸文嬴請三帥曰彼實

構吾二君寡君若得而食之不厭君何辱討焉使歸就  
戮于秦以逞寡君之志若何公許之先軫朝問秦因公  
曰夫人請之吾舍之矣先軫怒曰武夫力而拘諸原婦  
人暫而免諸國墮軍實而長寇讎亡無日矣不顧而唾  
公使陽處父追之及諸河則在舟中矣釋左騶以公命  
贈孟明孟明稽首曰君之惠不以累臣讐鼓使歸就戮  
于秦寡君之以為戮死且不朽若從君惠而免之三年  
將拜君賜秦伯素服郊次鄉師而哭曰孤違蹇叔以辱  
二三子孤之罪也不替孟明孤之過也大失何罪且吾  
不以一眚掩大德公羊傳其謂之秦何夷狄之也曷  
為夷狄之秦伯將襲鄭百里子與蹇叔子諫曰千里而  
襲人未有不亡者也秦伯怒曰若爾之年者冢上之木  
拱矣爾曷知師出百里子與蹇叔子送其子而戒之曰  
爾即死必於殽之欽巖是文王之所辟風雨者也吾將  
尸爾焉子揖師而行百里子與蹇叔子從其子而哭之  
秦伯怒曰爾曷為哭吾師對曰臣非敢哭君師哭臣之

子也。強高者鄭商也。遇之穀矯以鄭伯之命而犒師焉。或曰：往矣，或曰：反矣。然而晉人與姜戎要之穀而擊之。匹馬隻輪無反者，其言及姜戎何？姜戎微也，稱人亦微者也。何言乎姜戎之微？先軫也。或曰：襄公親之，襄公親之，則其稱人何？貶曷為貶？君在乎殯而用師，危不得葬也。詐戰不日，此何以日盡也？穀梁傳不言戰而言敗，何也？狄秦也。其狄之何也？秦越千里之險入虛國，進不能守，退敗其師，徒亂人子女之教，無男女之別。秦之為狄，自穀之戰始也。秦伯將襲鄭，百里子與蹇叔諫曰：「千里而襲人，未有不亡者也。」秦伯曰：「子之冢木已拱矣。」何知師行百里子與蹇叔子送其子而戒之曰：「女死必於穀之巖，峯之下。」我將尸汝於此。是師行百里子與蹇叔子隨其子而哭之。秦伯怒曰：「何為哭吾師也？」二子曰：「非敢哭師也，哭吾子也。」我老矣，彼不死，則我死矣。晉人與姜戎要而擊之，穀匹馬倚輪無反者，晉人者晉子也。其曰：「人何也？」微之也。何為微之？不正其釋殯而主乎戰也。

胡氏傳案書序秦穆公伐鄭晉襄公帥師敗諸穀而  
經書晉人敗秦于穀是皆仲尼親筆其詞何以異乎書  
序專取穆公悔過自誓之言止於勸善其詞恕春秋備  
書秦晉無道用兵之失兼於懲惡其法嚴此所以異也  
晉襄親將絀不稱君者俯逼葬期忘親背惠墨衰經而  
即戎其惡甚矣春秋外秦其罪云何客人之館而謀其  
主因人之信已而逞其詐利人之危而襲其國越人之  
境而不哀其喪叛盟失信以貪勤民而棄其師亂道也  
夫杞子先軫之謀偷見一時之利微幸其成自以為功  
者也二君皆過聽馬而貪其利是使為人臣者懷利以  
事其君為人子者懷利以事其父君臣父子去仁義懷  
利以相與利之所在則從之矣何有於君父故亂臣賊  
子相踵則天理忘而大倫滅矣春秋人  
晉子而外秦所以立人道存天理也  
癸巳葬晉文公  
左氏傳遂墨以葬文公晉於是始  
墨穀梁傳日葵危不得葬也  
狄侵齊左氏傳因  
公

伐邾取訾婁

訾婁邾邑

左氏傳公伐邾取訾

秋公子

婁以報升陘之役邾人不設備

遂帥師伐邾

左氏傳襄仲復伐邾

胡氏傳案左氏公

仲復伐之此皆不勝忿欲報怨貪得恃強陵弱不義之兵也直書其事而罪自見矣或曰取須句訾婁有為為之也伐邾至於再三念母勤矣夫念母者必當止乎禮義平王不撫其民而遠屯戍於母家詩人刺之夫子錄焉僖公以成風之有功於已也越禮以尊其身違義以報其怨殘民動衆取人之邑曾是以為可乎

敗狄于箕

晉人將卑師少也書晉人敗狄責在晉也箕晉地今太原路陽曲縣南有箕城左氏傳

狄伐晉及箕八月戊子晉侯敗狄于箕卻缺獲白狄子先軫曰匹夫逞志於君而無討敗不自討乎免胄入狄師死焉狄人歸其元面如生初臼季使過冀見冀缺耨其妻饁之敬相待如賓與之歸言諸文公曰敬德之聚

也能敬必有德德以治民君請用之臣聞之出門如賓  
承事如祭仁之則也公曰其父有罪可乎對曰舜之罪  
也殛鯀其舉也興禹管敬仲桓之賊也實相以濟康誥  
曰父不慈子不祗兄不友弟不共不相及也詩曰采芣  
采非無以下體君取節焉可也文公以為下軍大夫反  
自箕襄公以下體君取節焉可也文公以為下軍大夫反  
縣賞胥臣曰舉郤缺之功也以一命冬十月公如齊  
命郤缺為卿復與之典亦未有軍行

十有二月公至自齊

左氏傳冬公如齊朝且弔有狄師也

乙巳公薨于小

寢

小寢燕居之寢也薨于路寢正也小寢不正也

左

氏傳反薨于小寢即安也

穀梁傳小寢非正也

胡氏傳左氏曰即安也周制王宮六寢路寢一小寢五  
君日出而視朝退適路寢聽政使人眠大夫退然後適  
小寢釋服是路寢治事之所也而小寢燕息之地也公  
羊以西宮為小寢魯子以諸侯有三宮則列國之制蓋

降於王其以路寢為正則一爾君終不於路寢則非正矣曾子曰吾得正而斃又何求哉古人貴於得正乃如此凡此直書隕霜不殺草李梅實冬溫也草當殺而不殺李梅不當實而實

者皆非常也故書公羊傳賈霜不殺草李梅實何以書記異也何異爾不時也穀梁傳未可殺而殺舉重也

可殺而不殺舉輕也實之為言猶實也胡氏傳哀公問於仲尼曰春秋記隕霜不殺草何為記之也曰此言

可殺也夫宜殺而不殺則李梅冬實天失其道草木猶干犯之而況君乎是故以天道言四時失其序則其施

必悖無以統萬象矣以君道言五刑失其用則其權必喪無以服萬民矣哀公欲去三桓張公室問社於宰我

古者用命賞于祖不用命戮于社宰我對以使民戰栗蓋勸之斷也仲尼則曰成事不說既往不咎其自與哀

公言乃以為可殺何也在聖人則能處變而不失其常在賢者必有小貞吉大貞凶之戒矣其論隕霜不殺草



李梅冬實蓋除惡於微慮患於早之意也

晉人陳人鄭人伐許

討其從楚也左氏傳晉

陳鄭伐許討其貳於楚也楚令尹子上侵陳蔡陳蔡成遂伐鄭將納公子瑕門于桔枋之門瑕覆于周氏之汪外僕鬯屯禽之以獻文夫人斂而葬之鄆城之下晉陽處父侵蔡楚子上救之與晉師夾泚而軍陽子患之使謂子上曰吾聞之文不犯順武不違敵子若欲戰則吾退舍子濟而陳遲速唯命不然紓我老師費財亦無益也乃駕以待子上欲涉大孫伯曰不可晉人無信半涉而薄我悔敗何及不如紓之乃退舍陽子宣言曰楚師遁矣遂歸楚師亦歸太子商臣譖子上曰受晉賂而辟之楚之耻也罪莫大焉王殺子上

春秋集傳釋義大成卷五